

नमालनायासा
ह्या व यरुह्या त्वम्
हं विना

**Some views on Grammatical Problems in
NEPAL BHASA**

विष्णु चित्रकान

नेपाल भाषाया खाः व पहःया खँय्
छुं बिचाः

Some Views on Grammatical Problems in
Nepal Bhasha

विष्णु चित्रकार

थौं बाःया खाः स्वयेगुया लसताय्
थ्व बःचाधंगु सफूचा छगू
बाःयात लःल्लाना च्वना ।

विष्णु चित्रकार

विष्णु चित्रकारं च्वःगु थ्व भायलचंया सफूचा
'नेपाल भाषाया खाः व पहःया खँय् छुं बिचाः'
लसता प्रेस, क्वाःबहाः थर्हिंति ध्वानाः दिलिप शाक्यं
नेपाल संवत् १९९० गुंलागा अौसि, बाःया खाः स्वये खुन्हु
(१९९० अगष्ट २० खुन्हु) द्वःछिगू विथंगु खः ।
थ्व सफूचिया हामा च्वमि थःहें खः ।
स्वापू- फोन २२६२९९, २२०८४८
मू-

न्यायना

मचातय्सं खँ न्यन्यं थुइकाकाइ, भाय् ल्हाये सयेकाकाइ; इमित
व्याकरण म्वाः । खँ जक ल्हायेत जूसा तःधीपित नं व्याकरण माःगु मदु । गथे
ल्हायेगु अथे हे च्वयेगु जुत्तले शब्दशास्त्रया आवश्यकता मदु । नेपाल भाषाय्
मे, प्याखं, बाखं गबलय्निसें च्वयावल अबलय्निसें व्याकरण च्वयावःगु
खनेमदु । दु धयागु जूसा व्याकरण जक तनाः मेगु जक ल्यनेमाःगु मदु ।

पुलांगु नेपाल भाषाय् मे व प्याखं तोताः सिर्जनात्मक कृति गुलि हे
दु ? बाखं दु भाय् हिलातःगु जक आपाः, मौलिक बाखं खने मदु । उबलय्-
यापिसं नेपाल भाषां, थःगु हे भाय्था खँग्वःया कोश मच्चः बरू अमरकोश
तःह्यास्यां नेपाल भाषां हीकल । गथे प्याखं बाखं संस्कृत भाषाया आधारय्
च्वत, अमरकोश नेपाल भाषां हीकल, थथे हे अवलय् संस्कृत व्याकरणया
थासाय् थानाः नेपाल भाषाया व्याकरण च्वये धकाः च्वःसा च्वयेफुगु खः ।
तर फाकुगु व्याकरणपाखे सुयां मन मवं जुइ उकि उबलय् व्याकरण च्वःपि सुं
मन्त । थथे छाय् जुल धाःसा मल्ल कालय् प्याखं च्वत, केवल जुजु खलकं
च्वत, धार्मिक बाखंया भाय् हीकल, केवल पुरोहित वर्ग हीकल—मेपि प्रजा-
वर्गयात यक्व-गाक्व आखः ब्वनेगु अवसर हे मदुसा इमिसं व्याकरण थें जाःगु
न्यापु नायेके माःगु विषय गबलय् च्वयेफइ ?

जःलाःखःलाः देश भारतय् वःपि यूरोपमित नेपालय् नं थहां वर्सेलि
इमिसं नेपाल भाषा लिखित भाषा खया नं थुकिइ व्याकरण मदुगु खन । श्व
हे खँ न्यनाः यलया पण्डित अमृतानन्द नेपाल भाषा व्याकरण च्वत । श्वया
गुलिखे लिपा शुक्रराज शास्त्री पाणिनिया सिद्धान्त कौमुदी व नेस्फील्डया
इंगलिश ग्रामरया आधारय् नेपाल भाषा व्याकरण च्वत । श्व मदुबलय् दुहा
काय् थें जुल । नेपाल भाषा न्याकेयंकेगुलिइ थुकि तःधंगु ज्या बिल । न्यासं
श्वयेक धायेथाय् मिलाफुति, ताहाः न्वसः दुगु आखःया ल्यूने लिफुति तयेगु व
काय्—म्याय् खँग्वलय् बागः 'य्' छयलेगु न्यापां श्व हे व्याकरण छयगु पलाः

खः । खयेत डेनमार्कयाम्ह हायन्स जोगेन्सन नं क्लासिकल नेवारी ग्रामर च्वयादीगु खः तर थ्व पुलांगु भाषायात कयाः च्वयातःगु व भाषा नं अंग्रेजी जूगुलि नेवाः लेखकतसे थुकि ज्या काःगु खनेमदु ।

नेवाः पहलं बिचाः यानाः व्याकरण च्वयेगु ज्या पुष्परत्न 'सागर' जु छुनादिल धाःसा इस्वरानन्द स्नेस्थाचार्यजु अझ छपलाः न्ह्याः वनाः व्याकरण-यात माःगु खँवः नापं थमं हे ज्यानाः थःहे पहलं नेपाल भाषाया भायलचं च्वयादिल । खँ जुइमा ज्या जुइमा न्हापां छम्ह-निम्हस्यां छु जक छुइमाः धुया नं थें थ्व न्यनावनी । खवप्य रमापतिराज शर्माजु यँय् काशीनाथ तमोतजु थ्व भाषाया च्वःथ्यां-प्वःथ्यां, दुथ्यां-पिथ्यां वालाःमालाः मूति खँ पिब्वये ह्या-दिल । थ्वहे इवल्य भाजु विष्णु चित्रकार "नेपाल भाषाया ख्वाः व पःह्या खँय् छुं बिचाः" ज्वनाः झीगु न्ह्योने दं झाल । मि बांलाक छ्वयेकेत मि च्याका बियेवं मगाः, बराबर सिँ कथं हंकावीमाः, तना बीमाः अले जक दनदनं छ्वइ । अथे हे भाषा थन्हाकेत नं भाषाया दुधंपिध्या विषयय् न्हून्हुगु खँ ह्यातुं च्वनेमाः, थुजागु विषयय् सहलह ब्याकाः क्वःज्यूगु खँ पिकाकां वनेमाः । खुसि छिनावं वलिसे उकिया चि तनावं वं थें जुइके मज्यू । झीगु भाषाय् धाःसा आतक थथे हे जुयाः च्वंगु झीसं खना च्वना ।

चित्रकार भाजु थ्व सफलइ मुख्यनं न्वसुया खँ, यासु व याक-यात हुना (कारक) या बारे थःगु बिचाः प्वंका दीगु दु । वय्कलं न्वसुया खँय् माग्वः (स्वर) या इवल्य य, या, व, बा, यात नं दुश्चका दीगु दु । थुकिया दसु क्यने, कयातुये, क्वये, क्वाये ब्वयादीगु दु । छजाः अय्, आय् यात माग्वः नालेमाः धयागु नं सः थ्वःगु खः, थुकिया बारे वय्कलं थ्व माग्वः हे मखु, माग्वः हुनासः जक खः धयागु बिचाः प्वंकादीगु दु ।

'माग्वः' (व्यञ्जन) धयागु विषयय् न्ह म्ह ल्ह जिये ज्ह यात नं माग्वः पुचल्य् दुथ्याकेमाः धयागु वय्कलं दलील पेश यानादीगु दु । अले न्हि, न्ह्यः, न्ह्यागुया पलेसा ज्हि, ज्ह्यः, ज्ह्यागुं च्वयेगु दसु ब्वयादीगु दु । जि स्वये थुकियात अप्वःस्यां यः तायेकी ख्वाः मवः । अले छता खँ संस्कृतय् थें ह् न्हापा वयाः न, म, र लिपा वइना वा नेपाल भाषाया गुलि ब्याकरणविद्वंसि धाःथें न, म, र्, ज् न्हापा वयाः ह लिपा वइगु खः थ्व लेखय् स्पष्ट मजू, गनं गथे गनं गथे दु, प्रेसया द्वनं जक नं थथे जूगु खयेफु ।

नेपाल भाषाया यासुया थःगु हे पहः दु । थुकिया दसु इस्वरानन्द स्नेस्थाचार्य व रमापतिराज शर्मापिसं आपालं बियादी धुंकल । थ्व यासुयात

चित्कार भाजु हानं थःगु हे पहलं स्वयाः न्हून्हुगु खँ न्ह्यव्वयादिल । गुगु
व्वनाः झी स्कूली शिक्षा कयावयापिं छकः इतिमिति मऊंसे च्वनेफइमखु ।
वय्कःया धापू खः नेपाल भाषाया क्रियापद संस्कृतया कालविभाजन लिसे-
पाय्छि मजू ।

‘याक-यात हना’ (कारक)व्वय् चित्कार भाजुं न्हापाया भाय् लचमि-
पिसं संस्कृत भाषाया थासाय् नेपाल भाषाया कारक थाना क्यन, थव छात्ये
पाय्छि मजू, नेपाल भाषाय् कारक न्ह्यव्वयेगु थःगु हे पहः दु धकाः दसुलिसें
धलःपौ नापं बियाः क्यनादीगु दु ।

भाजु विष्णु चित्कार झीगु न्होने गुगु न्हून्हुगु विचाः न्ह्यव्वयादिल,
थव गुलि तक खः व खःवयेफु झीसं नं तुगलय् वायेकाः स्वयेबहः जू । चित्-
कार भाजुं व्याकरण थें चुइचुइ पंगु क्षेत्रय् पलाः तयादिल, मतःगु तयादी
धुंकल आः तयागु पलाः थनं तुं दिनामच्छसे हानं हानं न्ह्यपलाः न्ह्याकादी
धयागु आशा दु ।

फणीन्द्ररत्न वज्राचार्य
इवाबाहा, येँ ।

दुग्धः गु कुतः

नेपाल भाषाया थःगुहे पहः कथंया व्याकरण दयेमाः, मेगु भाय्या व्याकरणया नियमं थ्वयात चीमज्यू धइगु क्वातुगु बिचाः तयाः नेपाल भाषाया व्याकरणया थीथी पक्षयात कयाः तःदँ न्ह्यवनिसें भाजु विष्णु चित्रकारं चिन्तन याना च्वनादीगु खँ जि स्यू । वहे गम्भीर चिन्तन व अध्ययनया लिच्वःकथं थ्व सफूचा थौं थुकथं पिदनाच्चंगु जि खना । थ्व वय्कःया दुग्धः गु कुतः खः ।

गुगुं छगू भाय्यात व्याकरणं चिनाः च्वये, व्वने व ल्हाये थाकुका बीगु मखु लाकि व भाय्या पहःयात थुइकाः, व भाय् गुकथं ब्वलनाच्चन धइगु सीकाः वहेकथंया व्याकरणया नियम दयेके फुसा तिनि व भाय् थःगु हे माथं थःगु हे पहलं सुथालाक्क च्वये, व्वने, ल्हाये छिक ब्वलनेत तिबः जुइगु खः । नेपाल भाषाय् थुकथंया वैज्ञानिक अध्ययन जुइ माःगु व उकथं हे त्वयेक छगू ग्यसु-लाःगु व्याकरण मदयेक मगाःगु खँयात अप्वःसिनं वाःचायेकाच्चंगु खः । विशेष यानाः नेपाल भाषा खलकं पिनेया भाय् संस्कृत, नेपाली, अंग्रेजी आदि भाय्या व्याकरणया आधारय् नेपाल भाषाया व्याकरण दयेकेगु कुतलं नेपाल भाषाय् दुहां वःगु विकृति व नेपाल भाषाया थःगु पहः हे तना वनी कथंया प्रवृत्तियात इलय् हे पने माल धइगु आग्रह दुपिसं थ्व खँयात अप्वः चायेका-च्चंगु धायेमाः । थ्वहे इवलय् भाजु विष्णु चित्रकारं नेपाल भाषाया थःगु विशिष्ट पहःयात आधार दयेकाः वहे कथंया व्याकरणया नियम ज्यायेगु वा नालेगु निर्ति व्याकरणया छुं मूगु पक्षय् थःगु बिचाः न्ह्यब्वयेगुया नापं वैज्ञानिक आधारय् छुं छुं नियमवद्ध व छुं छुं तालिकावद्ध नापं यानाः व्यवहार-सिद्ध खँयात क्वातुक्क स्थापित याना दीगु दु । थुकिं नेपाल भाषाया भाषा वैज्ञानिक अध्ययन याइपिन्त, नेपाल भाषाया वैज्ञानिक व व्यावहारिक व्याकरण दयेकेत कुतः याइपिं व्याकरणतय्त व नेपाल भाषाया सर्वसाधारण ब्वमिपिन्त नापं तःधंगु स्वहालि जुइफु ।*

थ्वया सिबे नं नेपाल भाषाय् छगू वैज्ञानिक, सरल, व्यावहारिक व थःगु हे पहःया व्याकरण मदयेक मगानाच्चन धइगु खँयात तायेकाः छगू पूर्वगु व्याकरण हे दयेकेपाखे भाजु विष्णु चित्रकारया मन वनी धका थ्व सफूया ब्वमिपिसं पत्याः यानाः आशा याइ थें जि ताया ।

पद्मरत्न तुलाधर

जिगु थःगु खँ

थःगु भाय् ल्वःमंका च्वंपि नेवाःतय्त व नेपाल भाषा सयेके मंडुपि मंपि नेपाःमितय्त नेपाल भाषा स्यनेगु छगू सफू माल धइगु पासापिनि इनापं प्रज्वःगु छगू बःचा धंगु सफू दयेकेगु मनं ल्हाः न्ह्याकाच्चना बलय् जितः भाय्-लचंया गुलिखय् खँय् पुलांगु (परम्परागत) पहःयात हाचां गाथेमाःगु ताल । खनु जि व सफूया न्हापांगु व्व नेपाल संवत् ११०६ या मोहनीया विदाय् हे व्वचायेकागु खः, अय्त्नं कारकया खँय् जितः तत्कयंकातल । उकिइ जि आपालं कुतः यानाजि तिपि छगू हनासु (सूत्र) लुज । इपिहे खँयात हनाः सःलः व्वाकेगु मनंतुनाः निपुस्वपु च्वसु च्वयेगु मतिइ तयाः च्वयायंका । छायाधाःसा झी भाय्लचंमिपिसं झीगु भाय्यात गुलिखय् थासय् संस्कृतया भाय्लचंया थासाय् मछि मछि न्ह्याकेगु कुतः जुयावयाच्चंगु जि खना । भाय्लचं धयागु भासय् दुग्ययेक दुवालाः थुइका कायेगु भाषाया थःपहःयात ल्वःगु हनासुइ कथंहंक हनेगु खँ जक खः । उकि जि थन भाय्लचं थें ज्याःगु दुग्यःगु ज्याखँय् छःनें छःनें जक ल्हाः वानाः छु भचा कुलेगु ज्या जक यानागु दु । थ्व ज्या गुलि थासय् लाः मनाः स्वयेगु व थ्वयात अझ दुग्ययेक दुवालेगु ज्या जि विद्वान भाय्लचं-मिपितहे त्वःतागु दु । थये धायेवल्य् जि न्ह्यालुवाः भाय्लचंमिपिनित व्वह्यंके त्यनागु मदु । ईया इवल्य् वय्कःपिसं गुगु कुतः यानादिल व छगू तःजिगु ज्या व भाय् व्वलंकेगु ज्याय् छगू तिबःहे खः । वय्कःपिनिगु कुतलंहे थौं झी थुलि न्ह्यज्याये फुगु नं खः । उकि झीसं भाय्लचंमि शुक्रराज शास्त्री, सिद्धि-दासं निसें पुष्परत्न 'सागर', इस्वरानन्द व रमापतिराज शर्मापि तक व मेमेपि भाय्लचंमिपिनिगु कुतःयात नं गाक्क च्वछायेहे माः । अथे खयांनं भासय् दुवालाः व्ववालाः न्हून्हूगु खँ लुइकेगु, भाय्या दुधं व थःपहःयात व्वथीक थुइकेगु अल्य् न्ह्यालुवाःपिनिगु ज्याखँय् द्व'विद्वं, मगाःमचाःयात कुलेगु ज्या जुयां च्वनेमाःगु खँयात जक जि न्ह्यथने त्यनागु खः । अल्य् थ्व छगू भाय्यात व्वसालंकेगु ज्याखँ हेतं खः धयागु जक जिगु धापू खः ।

थ्व च्वसुइ जि मूकथं स्वता खँ न्ह्यथनेगु कुतः यानागु दु ।—

न्हापां,— फुकं भाय्तय्के थःथःगु पहःया न्वसुपहः दइथें झीगु भासय् नं थःगुहे कथंयागु न्वसुपहः दु । वयात संस्कृतया दापुतिइ जक मखु थःकथंयागु छगू 'तर्गिज्याना दापू' (स्तरीय मापदण्ड) दयेकाः घस्वाकेमाः ।

निगूगु— झीगु भासय् 'ईकथंया हिलासु ज्यायेगु पहः' (कालरूपावली)

संस्कृत वा अंग्रेजिइ थें भूत, वर्तमान, भविष्य (Past, Present, future) धायेगु मदु । झीगु भासय् ईकथंया हिलासु निकथं जक ज्याये छि,- छुं ज्याखँ छुइ/जुइ न्ह्यःया पहः 'न्ह्यपहः' व छुं ज्याखँ छुइ / जुइ धुंकाःया पहः 'जिपहः' । थ्व खँय् जि प्यदँ न्यादँ न्ह्यःहे विचाः दयेका तये धुनागु खः । अयनं छगू च्वमु दयेकाः न्ह्यव्वये धाःसा मफयाच्चंगु खः ।

स्वंगूगु- झीगु भासय् 'याक-यात हना हिलासु' (कारक रूपावली) ज्यायेगु थःगुहं पहः दु । इमित संस्कृतया थासाय् मन्ह्यं मन्ह्यं क्वविनेगु कुतः यायेमज्यु । थ्वखँय् झीगु थःपहः न्दखंकेत जि छगू धलः दयेकाः थन न्ह्यव्वया बियागु दु ।

दकलय् लिपा,- थौं झी च्वमि भाजु मय्जुपिसं छुं नं खँ न्ह्यव्वइबलय् संस्कृत वा मेमेगु भासं खँवः त्यासा काइगु जक मखुसे थःगु नुगः खँ न्ह्यव्वयेत तकं मेगु भाय्या पहः दुदायेका वयाच्चंगु दु । उकिं झीसं थःगु नुगः खँ न्ह्यव्वयेत व छुं नं ज्याखँ न्ह्यथनेत थःगुहं पहः कथं थःगुहे खँवः-खँभाय् छ्यलेज्यु धकाः जि छुं भचा छ्यला दसु कथं न्ह्यचाकेगु कुतः यानागु दु । अलय् थमित छगू मंकाः कुतलं छगू 'तंगिज्याना दापू' दयेकेमाःगु खँ नं न्ह्यथनागु दु ।

थुकथं थ्व च्वसु यक्व न्ह्यःहे क्वचाःगु खयांनं इलय् इलय् पत्रिकात पिदनीगु मदुगु व ताःहाकःगु च्वसुयात थाय् बिइ थाकु चाइगु जूगुलि थ्व अर्थे ल्यनाच्वन । बल्ल 'चकना' या पासापिसं थ्व च्वसुया निगूगु व्व 'यासुया खँ' यात 'चकना ल्याः ७' य् पिथना बिल । अयनं याकनं मेगु व्व पिथनेगु भौका धाःसा चूमभाः । अनं जनआन्दोलनया इवलय् थ्व खँ अर्थे ध्याक्वय् लात । आःवयाः पासा दिनिप शाक्यया कुतलं थौं थ्व च्वसु फुतं छथाय् मुंकाः छगू वःचा धंगु सफूविया ख्वालं छायापीगु जूवल । उकिं दकलय् न्हापां वय्कः-यात सुभाय् मबिसे मगाः । अनलिपा पासा नरेन्द्र बज्राचार्य व लसता प्रेसया मेपि पासापिनिगु कुतलं थ्व सफूचा पिदनीगु जुल । उकिं वय्कःपित नं सुभाय् ! अलय् थ्व सफूलिइ थःगु नुगः खँ च्वयाविद्यापीपि फनिन्द्ररत्न बज्राचार्य व पद्मरत्न तुलाधर भाजुपित सुभाय् ! अनलि देवः छायापादीहा पासा शरद झाक्ययात, देबः शाना व्यूगुलिइ नेपाल त्रिण्टिङ्ग प्रेस, असं, त्योडयात व इलय् व्यलय् ग्वाहालि यानादीपि मेपि पासापित नं सुभाय् ! दकलय् जिपा थ्वया व्वमिपिनिपाखें द्र'बिद्रं' कुलावीगु भलसा कया । सुभाय् !

येँ, ने. सं. १९९० दिल्लाथ्व, गुरुपुन्हि

विष्णु चित्रकार

नेपाल भाषाया खाः व पहःया खँय् छुं बिचाः

१. न्ह्यखँ

नेपाल भाषाया खाः गथे च्वं, थ्वया पहः गथे च्वं धयागु खँय् आपालं विद्वान व भाषाविदपिसं थःथःगु कथं न्ह्यब्वयेगु व न्वखँकेगु ज्या आपालं न्ह्यवनिसें हे जुयावयाच्वंगु खः । अथेनं, गुलिखय् खँय् कथं कथंया मत व बिचाः ल्यनातुं च्वंगु दनि ।

इपिं फुक बिचाःयात छथाय् तयाः प्रशोधन यायेगु वा वैज्ञानिक कथं छगू हनासुलिइ (सूत्रय्) हनेगु ज्या पुवंके फुगु मदुनि । कथंकथंया खँयात न्ह्यब्वयेगु वा अभिव्यक्त यायेगु खँय्वा छगू 'तगिज्याना दापू' (स्तरिय मापदण्ड) दयेकेगु ज्या नं जुइ फयाच्वंगु मदुनि । खयेतला भाय्छाःमि व च्वज्जामि गुलिखय् भाजु मयजुपिसं थःथःकथं न्हूगु खँय्वा ज्यायेगु व छछलेगुया ज्या यानावयाच्वंगु दु । अथेनं, छगूहे खँयात, छगू हे अभिव्यक्तियात तःकथं धायेगु वा तःकथंया नःलि खँय्वा छछलेगु कुतः अप्वः खनेदु । वया तगिज्यायेगु ज्या धाःसा जुयाच्वंगु मदुनि । दसिया लागीं झीगु भासय् न्हासं थ्वइगु निता सः क्यनीगु चिं (') व (')यात काये । इस्वरानन्द भाजु थमि नां 'इ फुति' व 'चय् फुति' धका छुना दल । फनिन्द्ररत्न बज्राचार्य भाजु थःगु च्वसुइ थमित 'मिला फुति' व 'सिन्हः फुति' धकाः च्वयादिल हानं इमितहे काशीनाथ तमोत भाजुया च्वसुइ लिपा 'मिला फुति' व 'मोल फुति' धकाः च्वयाहःगु खने दत । हानं ताहाः न्वसु न्वखँकीगु चिं (:) यात इस्वरानन्द भाजु लिफुति धकाः नां छुनादल । वयातहे काशीनाथ तमोत भाजुया च्वसुइ 'लिनिफुति' धकाः च्वयादीगु खने दत । वय्कःपिनि थःथःगु तर्क दयेफु । संस्कृतय् चन्द्र-विन्दु व शीरविन्दु धाइगुयात पाय्छिगु भाय्छिला कथं 'मिलाफुति' व 'मोल-

फुति' धायेगु कुतः खःसा थ्वया छयला झीगु भासय् संस्कृतय् सिकं पाः । हानं, छयंयात थौया भासं 'मोल' मधासे 'मो' जक धाःसां गाःगु खः गथे- 'मो ल्हये' । थुकथं 'मोल फुति' मधासे 'मोफुति' जक धाःसां गाःगु खः । अथेहे (:) विसर्गं छुनं आखलय् ताहाःन्वसु पिथनेत लितनेगु निफुति खः । अथेसां झीगु भासय् गुगुं नं इलय् मेगु कथंया छुं फुति लितनेमाःगुला मदु । अथेजुगुलि थ्वयात लिनिफुति धकाः धयाचवने माःगु मदुथें च्वं । न्हाथेसां छगूहे चिया नां थुकथं विसर्कं विसर्कं जुइबलय् व्वमिपिं तननं क्यने फु । धात्थेंला न्हून्हूकथंया खँ व भावनायात झीसं थःगु भासं गुकथं प्वक्यगु (वा अभिव्यक्त यायेगु) धयागुलिइ यक्व कुतःला याये त्यहें दनि । उकिं छुं नं न्हूगु खँ न्ह्यव्वये मालेव हथापथासं मेमेगु भासं खँवः त्यासा काःवने मालाच्वंगु दु । माक्व खँवः त्यासा कायेगु जक मखु खँ न्ह्यव्वयेगु पहः (अभिव्यक्ति शैली) यात तकं दुदायेकेगु ज्या जुयाच्वंगु दु । अथे यायेत झी करं क्यनाच्वगु दु ।

मूकथं थ्व फुतंया हुनि निता जुइफु । छता, थज्याःगु ज्याः छगू मंकाः ग्वसालं वा तःधंग्वसालं (संस्थागतकथं) जुइ मफयाच्वंगु व मेता फुफुपि भासाथूमि-पिसं (सक्षम भाषाविज्ञपिसं) याकः याकः कथं भासय् दुग्वयेक दुवालाः न्ह्य-व्वयेगु ज्या तसतं म्हा मनुखं, तसकंहे म्हा जक ज्या जुया च्वंगु दुसा नःलिपि भाय्हाःमिपिनिगु भावनांजाःगु वज्जा जक अप्वः वय्बय् जुयाच्वंगु दु । खयेतला वय्कःपिनिगु कुतःयात च्वछाय् बहःजू, अथेसां 'झीगु भाय्या थःगु पहः धइगु छु खः' धइगु बांलाक मथुयाः गुनिखय् 'खँवःज्याना' थःपहः (स्वाभाविकता) खनेमदयाः हिसिमदया च्वंगु दु । दसिया लागी छगः खँवः न्ह्यथने- 'चिबाख' । थ्व 'चिभाय्', 'चिसवाः', वा 'चिन्वःम्ह' थें ज्याःगु 'चिबाख' मखु । थ्व 'लघु कथा' वा 'लघु कहानी' या भाय् हिला खः, चीहाः वा चिकिहाकःगु वाखंया अर्थय् । उकिं थ्व 'चीबाख' जुइमाःगु खः । झीगु थःगुहे पहः कथं धायेगुसा थ्व 'बाखंचा' जुइमाःगु खः ।

थनथाय् मेगु छता खँ नं न्ह्यथने बहःगु दु व छु धाःसा पुलांगु भासय् छयलामालाय् वयाच्वंगु वा गुगुं थाय् वा पुचःया मनूतय् खँहाबल्हाय् ज्यला-च्वंगु खँवः धकाः गुबलें गुबलें न्हून्हूगु खँवः छयलामालाय् हःगु नं खने दु । उगु खँवःया दसि न्ह्यव्वयेमाःगु सुनानं मतायेकूगु जक मखु खँवः गुकथं ज्यलाच्वन धयागु खँयात तकं चिउताः तःगु खनेमदु । थथे जुइबलय् संस्कृत अभिव्यक्ति शैली नालेगु बानी जुइधुंकूपिं झीसं खँवः न्हागुकथंयागु जूसां (वा थ्व 'यामु' पहःगु जूसां) 'नांग्वः' (संज्ञा) कथं छयलेगु वा वया मखु-

कथंया अर्थ पिब्वयेगु ज्यानं जू बनेफु । भाय्या तर्गिज्यायेगु (स्तरियकरण यायेगु) छुं थाय् मदुगु इलय् न्ह्यखनेदुगु खँवःयात च्वमि भाजु मय्जुपिसं छ्यलामालाय् ह्येफुगु खँता जुहे जुल । थुकथंहे झीगु भाय्या थःगुहे पहलं याउँक, अःपुक व न्ह्याइपुक न्ह्यब्वये छिगु खँयात नं मेगु भाय्या अभिव्यक्ति शैलीयात तप्यंक नकल यायेगु ज्यां दुल्हाना च्वंगु दु । थज्याःगु पहः झीगु भासय् तसकं बामलाक तव्वाये धुकल । झीगु भासय् 'भाय् हिलेगु ज्या' तसकं म्ह्नु जुया च्वंगु, थःगु पहः कय्च्यायेगु च्यूताः म्ह्नु जुयावंगु व सःस्थिसिं खंगु द्वपं उलाबीगु वा न्वखंकावीगु झीके चलन मदुगु नं ध्वया मेगु हुनि जुइफु ।

अथेहे भाय्या ग्यसु लनेत ध्वयात छगू वैज्ञानिक सूत्रं चीगु नं मदयेक मगाःगु खँ खः । उकि ध्वया इवलय् अक्वःथें भाषाविद भाजुपिसं झीगु भाय्यात संस्कृत वा मेगु भाय्या दापुतिइ वा दयेकातःगु थासाय् तयाः स्वयेगु वा हनासुलिइ हनेगु कुतः जुयाच्वंगु खने दु । थये यायेगु 'लाकांया दापुतिइ तुति ध्वनेगु कुतः' थें जक नं जू बने फु ।

अथे जगुलि ध्व भाय्या छलय् ह्मिताबलय् थःम्हं खनागु, चाःगु व थःत ताःगु छता निता खँ थन न्ह्यथनेगु कुतः यानागु दु । थमित नं विद्वान भाषाविद भाजु मय्जुपिसं नुगलय् वायेकल धाःसा खःगु लँपु मालेगु ज्याय् छुं तिबः जुइता धइगु मनुना ।

२. न्वसुया खँ

२.१ संसाःया दक्व भाय्या नवायेगु पहः थःथःकथंया दु । 'गुलिखय् सः' व 'नवायेगु पहः' आपालं भासय् ज्वःलाःसां फुकं 'सः' व 'नवायेगु पहः' फुकं भासय् अथेहे जुइमाः धकाः धाये फइमवु । छगू हे जःया कचामवा भासय् तर्क थःथःगु कथंया न्वसु पहः बलनाच्वंगु दइ । छगूहे लिपि नालाच्वंगु बिसकं बिसकं भाय्या बिसकं बिसकं न्वसु दयाच्वंगु झीसं खनाच्वना । रोमन लिपि नालाच्वंगु भाय्तसें छगः हे आखःयात कथं कथं न्ववानाच्वंगु दसु नं झीगु न्ह्यःने दु । गथे,— J या न्वसु अंग्रेजिइ 'ज' स्पेनिसय् 'ख' व जर्मनय् 'य' थें जुइ; अथेहे V या न्वसु अंग्रेजिइ व स्पेनिसय् संस्कृतया 'व' थें, अलय् जर्मनय् 'फ' थें जुइ; C या न्वसु अंग्रेजिइ 'क' थें अलय् स्पेनिसय् 'थ' थें जुइ . . . थुकथं मेमेगु पाःगु नं झीसं खंके फु । थयेहे माग्वलय् (Vowel य्) नं अक्वः म्ह्नु पाःगु खंकेफु ।

थुकथंहे देवनागरि लिपियात नालाचवंगु भायूतसं नं संस्कृत भासं
 वव छिना तःगु न्वसुया खःपहः (शुद्धता) यात गथे खः अथेहे थःनालावया-
 चवंगु मदु । इमितं थःथःगु भायूया गुणकथं न्ववाना वयाचवंगु दु । गथे-
 हिन्दिइ 'मै' यात 'मय्' व 'है' यात 'हय्' कथं नवानाचवंगु दु । अय्सां,
 झीगु भासय् (नेपालिइ नं) 'मै' यात 'मइ' व 'है' यात 'हइ' कथं जक
 नवानावयाचवंगु दु, गुबलेंतं 'मय्' व 'हय्' कथं नमवाः ।

अथेजूसां छुं भाषाविद भाजुपिसं संस्कृत भायूया न्वसु पहःयात मेमेगु
 भासंतं थःनाले माःगु अप्वः म्हा तायेका वयाचवंगु दु । थथे तायेकेगु मेगु
 भायूया पहःया दसु (वास्तविकता) थुइके मफयाः नं जुइफु । उकिं नेपाल
 भाषाया न्वसु पहः संस्कृत वा नेपाली वा मेगु छुं नं भायूया न्वसुपहः स्वयाः
 त्रिसकं नं जुइफुगु खँयात न्हापां थुइकेमाः । संस्कृतया 'व' या न्वसु अंग्रेजिया
 V या न्वसुनाप छुं भचा ज्वःलाये फु, अय्सां झीगु भायूया 'व' या न्वसु
 नाप ज्वः मलाः । संस्कृतया 'वं' ज्ञानातःगु खँवः 'विज्ञान,' 'विजय',
 'विद्या' पात झीसं 'विज्ञान,' 'विजय,' 'विद्या' धकाः
 नवानाचवना । छायाधाःसा, संस्कृतया 'व' व झीगु भायूया 'व' या न्वसु
 गावकं पाः । मेगु खँ, नेपाल भाषा संस्कृत भाषा जलय् मलाः, नेपाल भाषाया
 दुधं व संस्कृतया दुधं त्रिसकं त्रिसकं खः धइगु खँयात नं नुगलय् तयेमाः ।

२.२ थुकथं धायेबलय् गुगुं नं भायूया 'न्वसुया न्ह्यपहः', 'वया विकास',
 'उकी वःगु हिला पहः' व 'थौया ख्वाः' यात छतिकथं न्वखंकेमाःगु
 खँ खः । छायाधाःसा संसारया फुकं म्वानाचवंगु भाय् ई कथं हिलावयाचवंगु
 दइ । झीगु नेपाल भाषा नं थुकथंहे जनताया दथुइ, जनताया म्हुतुइ ताःइलं
 निसं म्वानावयाचवंगु खः । थुकथं न्ह्यज्यायेगु इवल्य् गुगुं नं भायूयात छगू
 वैज्ञानिक भायूलचनं (व्याकरणं) मचिल धाःसा गुगुं नं भासं याकनं याकनं
 व अराजक कथं ख्वाः हीकः वनेफुगु छगू वास्तविकता खः । अथेनं छहानिहा-
 सितं भायूया पहः गुबलसं महिलागु वा थातंतुं चवना चवनीगुहे भायूया विकास
 खः धकाः संस्कृत भायूया दसि विइगु कुतः याःगु नं खने दु । धाथेला संस्कृत
 भाय् गुगुं इलय् जनताया दथुइ नं व्यानाचवंगु खःसां, उगु इलय् थ्वया साहित्य
 व संस्कृति धुजू जाःगुलि थौं नं वया मू दयाचवंगु दनिसां थौं थ्व जनताया
 दथुइ म्वाये फयाचवंगु मदु ।

२.३ झीगु नेपाल भाषाया ख्वाः थौं व ह्यिगः छगूहे मजूसां थ्वया न्ह्यज्याः

पहःयात झीसं खंके फु । श्व ह्रिगः ताहाःन्वसु (दीर्घ) धइगु मःगु
 क्यातुगु भाय् खःसा थौं थुकिइ ईया इवल्य् ताहाःन्वसु या नं विकास जूगु दु ।
 अल्य् थुकिया ह्रिग नं दु । गुगुं नं थासय् छुं आखः दुसूसाहे जक ताहाःन्वसु
 पिदनीगु श्वया पहः खः । मखुसा थथे सः दुसूमदु थासय् थौं नं अप्वलं अप्वः
 थासय् ताहाःन्वसु पिदने फुगु मद्रुनि । थथे न्वसु दुसुइगु पहः झीगु भासय् जक
 मखु मेमेगु भासय् नं खने दु । भाय्या विकासया इवल्य् फ्रेन्च भासय् न्वसु
 दुसूगु छता दसि थन न्ह्यथने । फ्रेन्च भासय् est या न्वसु 'ए' जक जुइ । st
 या न्वसु पिदनी मद्रु । तर, श्वया ल्युने माग्वः (Vowel) वल धाःसा t या
 न्वसु नं पिदनी । गथे,— 'est il' या न्वसु 'एतिन' जुइ । झीगु भाय् गथे
 नवात अथे च्वयेगु भाय् जगुलि थुकी न्वसु दुसूथाय् ताहाःन्वसु चि (दीर्घ)
 जक ल्यनाच्चनीगु खः । अल्य् खँग्वःया हिलासु (शब्द रूपावली) कथं दुसूगु
 आखः पिदनाच्चंगु नं दु । आखः दुसूथाय् नं चीहाः पहलं (ह्रस्व) च्वयेगु वा
 माःथाय् नं तिफुति (:) मतनेगु ज्यां झीगु भासय् दयाच्चंगु वैज्ञानिकता
 न्हनेफु ।

२.४ न्वसुया खँ न्ह्यथने वल्य् झीसं नालावयाच्चनागु देवनागरि लिपिया
 आखःयात गुह्यं नवायेमाः धयागु खँयातनि दकल्य् न्हापां न्वखंकेमाः ।
 खयेतला झीसं न्हापा 'नेपाल लिपि', 'रञ्जना लिपि' आदि धकाः छुं ख्वाः
 पाःगु लिपि छचला वयाच्चनागु खः । श्वया थःगुहे सांस्कृतिक व ऐतिहासिक
 महत्व दुसां थौं झीसं सुविधाया लागि थुमि थासय् देवनागरि लिपि छचला-
 वयाच्चना । धात्येला श्व देवनागरि लिपि व न्हापा झीसं नालावयागु लिपित्य्
 दुधं (अन्तरवस्तु) छुं नं मपाः । अल्य् थमि इवः संस्कृतं वः छिनातःगु इवः
 कथंहे जुयाच्चंगु दु । अथेला न्हापा न्हापा श्वहे लिपि संस्कृतया आपालं
 ग्रन्थत नं च्वयेगु जुयाच्चंगु खः । विशेष यानाः उवल्य् छचलामालाय् दुगु उगु
 लिपि व उगु लिपिइ अप्वः थें पिने वःपि शासकत व विद्वानपिसं छचलातःगु
 नेपाल भाषाय् जक भाय्या खःपहः (शुद्धता) व भाय्या न्ह्यपहः (इतिहास)
 मालेगु मुकं कुतः नं जुइ मज्यू । धात्येयागु खःपहः (शुद्धता) जवताय् म्वाता-
 च्वंगु भाय् व ग्रन्थया तुलनात्मक अध्ययन अनुशन्धानं जक पिदने फइ ।

२.५ झीगु भासय् न्वसुया पहः मालेत भासय् वालाफाला यायेगु ज्या
 रमापतिराज शर्मा भाजु गावकं कुतः यानादीगु खनेदु । छगः छगः आखःया
 छगू छगू सलय् दुवालेगु वयेकःया कुतःयात तसकं च्वछाये बहःजू । अथेहे थुकी

सुन्दर कृष्ण जोशी भाजु, काशीनाथ तमोत भाजु व मेमेपिनिगु नं गुलिख्य कुतः खने दु । गुगु ज्या मयासे मगाःगु खँ खः । जितः थन न्ह्यथने माःसेवःगु खँ गुलिजक धाःसा इमिगु लिच्चःपिकायेगु ज्या मंकाः कुतलं जुइमाःगु खः, छगू तःधंग्सालं जुइ माःगु खः । अलय् थुकिं झीगु भाय्पा 'न्वसुया तगिज्या-येगु' ज्या नं थःगुहे पहः कथं जुइमाःगु खः ।

उकिं थ्व भासय् दुवाला क्ववाला बलय्, थ्व नालावयाच्चंगु आखः व थ्वया न्वसुया खँय् थवं खनागु व थःत ताःगु निता प्यता खँ नं न्ह्यथने ।

२.६ माग्वः (Vowels)

क) नेपाल भाषायात माःगु 'मू माग्वः' थथे खने दु— 'अ, आ, इ, उ, ए, य, या, व, वा' । थमिगु न्वसु चीहाकः जुयाः क्यातुइ (ह्रस्व जुइ) । संस्कृतया पहः कथं थें कथं निसैं सः पिकयाः ताहाःचीहा याये म्वाः । थमिगु ताहः न्वसुयात 'अः, आः, ई, ऊ, ए, यः (यो), याः, वः (ओ), वाः' च्वयेमाः ।

ख) थौंकन्ह्य् 'ए' यात 'ये,' वा 'य्' कथं च्वयेगु याः । मूयासुया छ्वाः ज्वःलाक्रेत (हँते, ह्तिने, हाले, . . . थें) 'ए-लिज्याना' यासुया ल्यूनेया 'ए' यात 'ये' च्वयेगु याना वयाच्चंगु दु । गथे,— काये, ब्रिये, नये . . । थ्व 'ये' धात्वैला 'ए' हे न्गु व नेपाल भाषाय् लिमाग्वः (खँग्वलय् ल्यूने वइगु माग्वः) सालाः नवायेगु पहः दुगुनि न्ह्यआखलं थ्व 'ए' यात सालाः नवायेबलय् 'य्' थें (बागः 'ए') न्वसु पिदं । उकिं 'ए- लिज्याना' यासुया ल्यूनेया 'ए' यात 'य्' च्वयेगु नं याः । गथे,— 'काये' या 'काय्', 'धाये' या 'धाय्' । खँग्वलय् ल्यूने मेगु माग्वः थें 'ए' च्वयेगु वानी मदुगुलि वा मछि पहः वःगुलि नं थ्व 'य्' छचलामालाय् वःगु जुइमाः ।

ग) छुं नं खँग्वलय् 'स, च, ज' ल्यूने बल धाःसा इपि दुसुलाः इमि-थासय् 'ए' पिदनीगु थौया नेपाल भाषाया थःगु पहः खः । वहे 'ए' यात माग्वः ल्यूने वइबलय् न्ह्यआखलं सालाः नवायेगु पहः कथं 'य्' थें न्वसुपिदंगुलिहे 'य्' च्वयेगु याःगु खः । गथे,— थास-थाय्; थासस-थासय्; भ्वज-भ्वय्; भ्वजस-भ्वजय्; म्हाच-म्हाय्; ख्यँच-ख्यँय् . . . ।

घ) थुकथंहे नेपाल भाषाया 'यासु' या न्ह्यपहः मालेबलय् पुनांगु भासय् यासुइ 'स' लितनातःगु खने दु । वहे 'स' या थौया छ्वाः 'ये' जूवंगु खः । 'स' या 'ए' जूगुयातहे 'ये' ज्याःगु खः ।

ड) मेगु छताखें छु धाःसा झीगु नेपाल भाषाय् 'य' या न्वसु निक्थं दनाच्चंगु दु । गुगुनं खँवःया न्हाआखः वा दथुआखः वइबलय् 'य' या न्वसु संस्कृतय् ज्यलाच्चंगु 'य' न्वसु कथं नवायेगु अप्वः याः । श्वयात 'ए' कथं नवाःसां खँ भमज्यं, उकथंहे नवायेगु नं याः । गथे— क्यने—केने; ख्यलु—खेलु; ग्यये—गेये; ल्यये—लेये; ह्ययेके—हेयेके . . . । अझला त्पूनेया 'ये' सालाः 'गेये' या 'गे', 'लेये' या 'ले' व 'हेये' या 'हे' जक नं न्वसु दनाच्चंगु दु । खँग्वलय् श्व 'ये' न्वसु लिआखः कथं वःसा न्हाबलेंहे 'ए' न्वसुकथं जक नवाइ ।

च) 'य' तहाः न्वसु कथं न्हाआखः जुयावःसा वा न्हासं श्वःगु सः पिदंसा न्हाबलें संस्कृतय् ज्यलाच्चंगु 'य' न्वसु कथं हे नवाइ । गथे— ज्यः, स्पः, त्यः, ह्यः, कयं, स्यं । अथेहे 'देव' या 'द्यः' जुयाः 'देवगल' या 'द्यःगः' जूसां 'देगः' नं नवाः । तर 'मेवगु' या धाःसा 'म्यःगु' गुवलेंहे मजू । न्हादलें 'मेगु' धकाः 'ए' ताःहाक्य्क नवाः । थुक्थंहे 'देस' या 'देय्' जुयाः 'दे' व 'मेस' या 'मेय्' जुयाः 'मे' कथं ताहाक्य्क 'ए' न्वसु दनाच्चंगु दु ।

छ) च्वय् न्हाथनागु माग्वःया धलकय् 'या' व 'वा' छायाले ? धयागु न्हासः याउँक दनेफु । झीगु नेपाल भाषाय् 'या' व 'वा' या सः दुग्ययेक ज्यानाच्चंगु दु । खँवः ज्यानाय् नं श्वया छ्यला तब्बानाच्चंगु दु । थुकि फुक्क वाग्वः (Casonants) कय्च्याये फयाच्चंगु दु । अलय् श्वं माग्वःया गुण नं भाक्वं पूर्वकूगु खनेदु । झीगु यासु ज्यायेगु ज्या नं 'क, का, कि, कु, क्य, क्या, क्व, क्वा' या श्वलय् ज्यानाच्चंगु दु । गथे— प्याखं क्यने, नुगः क्यातुये, जा क्वये, लः क्वाये, ज्या ख्यले, भुजि ख्वाये, धौ ख्वये, मि ख्वाये . . . । अथेहे माग्वःहनाय् नं श्व न्वसु ज्यानाच्चंगु खने दु । श्व खँय् सकसिनं दुवालमाःगु खनेदु ।

ज) मेमेगु पूर्विय भाय्या माग्वःया पहलय् दुस्वये बलय् 'य, या, यु, यो' यात कोरियन भासं नं माग्वः नालातःगु खंके फु । उकि भाषा विज्ञानया दापुति नं थमित माग्वः नालेमज्यूगु खनेमदु ।

झ) अथेजूसा 'यु' व 'यो' यात नं झीसं माग्वः कथं नालेमाः लाकि म्वाः धयागु खँ नं न्हाःने वयेफु । झीगु नेपाल भाषाय् 'यु' व 'यो' या ह्वना-आखः नं आपालं छ्यलामालाय् ज्यलाच्चंगु दु । अथेनं अपि फुनं ह्वनाआखःत खँग्वलय् ल्यूने वइगु लिमाग्वः न्हाआखलं सालाः नवायेगु पहः कथं ज्यानाच्चंगु खः । खँग्वलय् 'इउ' नापं बलकि 'उ' यात सालाः 'यु' यायेगु व 'य' या ताहाःसः 'यः' वा अपुकेत 'यो' यानाः दयाच्चंगु ह्वनाआखः छ्यलामालाय्

दयाच्वंगु खः । गथे- निभाः किउ (क्यु) । ध्यवा विउ (व्यु) । क्वथा खिउंसे च्वं (ख्युंसे च्वं) । थ्व जितः यः (यो) । न्ह्यः (न्ह्यो) वल । उकि थपि ('गु' व 'यो') मूमाग्वः मजुसे 'माग्वः ह्नासः' (Diphthongs) जक खः । थ्वयात 'माग्वः ह्ना' (Vowel Sequences) धकाः नं धाः दु ।

ब) 'ऐ' व 'औ'- नेपाल भाषाय् मूमाग्वः कथं 'ऐ' व 'औ' मद्दु । खँग्वलय् लिमाग्वः सालाः नवायेगु पहः कथं 'अइ' यात 'ऐ' कथं व 'अउ' यात 'औ' कथं नवायेगु व च्वयेगु नं याः । गथे- 'कइ' या 'कै'; 'खइ' या 'खै'; 'भउ' या 'भौ'; 'पउ' या 'पौ' । उकि थपि नं 'माग्वः ह्नासः' जक खः ।

ट) नेपाल भाषाय् 'अय्' व 'आय्' थें ज्याःगु त्रिसकं माग्वः नं माः धकाः तायेका च्वपि नं दु । धात्थेला थन नं खँग्वलय् लिमाग्वःयात सालाः नवायेगु पहः कथं 'अ' व 'आ' या ल्युने 'ए' वइवलय् 'अय्' वा 'आय्' न्वसु पिदनीगु खः । उकि थ्व नं छगू कथंया 'माग्वः ह्नास' जक खः ।

ठ) 'वः' व 'ओ'- 'व' या ताहाःसः 'वः' खः । 'वः' वा 'वः ह्नासः' यात अःपुके कथं 'ओ' च्वयेगु नं छयलामालाय् वयाच्वंगु दु । गथे- 'क्वख' या 'क्वः' वा 'को', न्वल या 'न्वः' वा 'नो'...।

२.७ (क) 'माग्वः ह्नासः' वा 'माग्वः ह्ना' (Diphthongs' वा Vowel Sequences')

छुं नं खँग्वलय् लिआखः माग्वः जुयाः वल धाःसा न्ह्यआखलं सालाः नवायेगु पहः कथंहे नेपाल भाषाय् 'माग्वः ह्नासः' वा 'माग्वःह्ना' न्वसु दंगु खने दु । थ्व पहः 'नेपाली' भाय्या पहः स्वयाः पाः । नेपाली भाय्या खँग्वलय् ल्युने माग्वः वल धाःसा उगु लिमाग्वःयात छग्वलं नवाइ, झीगु नेपाल भाषाय् थ्वया वान्वसु जक दं । तर खँग्वलय् लिआखः बाग्वः जुल धाःसा नेपालिइ न्ह्यआखलं सालाः बछि जक नवाइ धाःसा झीगु नेपाल भाषाय् छग्वलं न्वसुदकेमाः । गथे-

नेपाल भाषाय्	नेपाली भाषाय्
लिमाग्वःज्याना	
भउ-भौ	भाइ
कइ-कै	लाऊ
काय-काय्	आए

लिबाग्वःज्याना

काल	राप्-राप्
स्वत	पाल-पाल
वन	डर-डर्
आम	बन-वन्

ख) च्वय् न्ह्यथनागु खँ न्हापानं आपालं भाजुपिसं न्ह्यथने धुकूगु खँहे खः । अथेनं माग्वःहनासलय् आःतक आपालं भाषाविदपि इतःमतः कना-च्वंगु खनेदनि । अथे जूगुलिं छुं न्ह्यथखँ च्वय् न्ह्यथनागु जक खः । अथेनं माग्वःहना झीगु भासय् गुकथं ज्यानाच्वंगु दु धइगु खँ न्ह्यथने छगू धलः दयेकाः हे न्ह्यथ्वया स्वये । नेपाल भाषाय् 'माग्वःहना' 'इ, उ, ए, व' माग्वः न्ह्य-सालाः ज्यानाच्वंगु दु । गथे-

	इ	उ	(ए)य	व
अ	अइ (ऐ)	अउ (औ)	अये (अय्)	अव (अः)
आ	आइ	आउ	आये (आय्)	आव (आः)
इ	इइ (ई)	इउ (यु)	इये (ई)	इव (यू)
उ	उइ	उउ (ऊ)	उये (उइ)	उव (ऊ)
य	यइ	यउ	यये (यय्)	यव (यः)
या	याइ	याउ	याये (याय्)	याव (याः)
व	वइ	-	वये (वय्)	वव (वः)
वा	वाइ	वाउ	वाये (वाय्)	वाव (वाः)

ग) 'वउ' छता झीगु भासय् न्वसु दनाच्वंगु वा आःतक न्वसु दने-फुगु खने मदुनि । 'यउ', 'याउ' व 'वाउ' या नं बालाक न्वसुदनाच्वंगु खने मदु । 'ज्यू' या 'ज्यउ' (हजुर) जुयाः वा 'दिगुद्यः' या 'देउद्यः' जुयाःथे छथाय् निथाय् खँग्वः भज्यनाः 'यउ' न्वसु दनाच्वंगु खनेदुसा न्हासंथ्वः सः घानाः 'याउ' व 'वाउ' या न्वसु दनाच्वंगु खने दु । गथे- 'याउँ', 'ह्याउँ', 'वाउँ', 'खाउँ'...

घ) झी भाषाविद 'भाजुपि गुलिखय्सिनं 'य' व 'व' यात माग्वः खनामदिजगुलिं माग्वःहनाया इवलय् 'य-हना' व 'व-हना' न्वसु नं दुगु खँ नालदी मफुगु खने दु । उकिहे वय्कःपिसं नेपाल भाषाय् 'अय्' व 'आय्' या बिसकं न्वसु दुगु व थमित 'मूमाग्वः' कथंहे नालेमाः तायेका दीगु खने दु ।

ङ) ऋग् न्ह्यथनागु भाग्वःहना खँयात बांलाक न्वखँकेत झीगु
भासग् बाग्वःज्यानाः ज्यलाच्चंगु खँग्वलनं छकः न्ह्यथने-

१.१ अपां कइ ।	३.१ सल गये (गय्) ।
१.२ खापां काई ।	३.२ ल्या.खाये (खाय्) ।
१.३ ध्याचः किइ ।	३.३ ज्या बिये (बिइ) ।
१.४ कुसां कुइ ।	३.४ कुसां कुये (कुइ) ।
१.५ वने त्यइ ।	३.५ जाकि ल्यये (ल्यय्) ।
१.६ कपाः स्याइ ।	३.६ ख्वाः ज्याये (ज्याय्) ।
१.७ निभाः त्वइ ।	३.७ निभाः त्वये (त्वय्) ।
१.८ खिचात ल्वाइ ।	३.८ चा क्वाये (क्वाय्) ।

२.१ पउ (पौ) बल ।	४.१ थ्व छु खव (खः) ।
२.२ ताउ जाल ।	४.२ ग्राम जितः भाव (माः) ।
२.३ तिसां तिउ (त्यु) ।	४.३ वयात ध्यवा बिब (बिउ-ब्यु) ।
२.४ वसः गुउ (गू) ।	४.४ कुसां कुव (कुउ-कू) ।
२.५ ज्यउ !	४.५ ख्वाः स्वये मत्यवहा (मत्यःहा) ।
२.६ जितः याउँल ।	४.६ मत च्याव (च्याः) ।
२.७ -	४.७ निभाः त्वव (त्वः) ।
२.८ लः ख्वाउँ ।	४.८ मामं मचावात त्वाव (त्वाः) ।

च) थ्वहे भाग्वःहना इवलय् न्हासंथ्वः सः नं ज्यनाच्चंगु दु । गथे-
सँय्, कुँइ, वँय्, उँइ, ...।

२.८ न्हासंथ्वः सः

क) न्हासं थ्वइगु सःया नेपाल भाषाय् विसरु मू दु । थुकी 'चीहाः
न्वसु' व 'ताहाः न्वसु' ग्रथहे पाकीगु जूगुलि 'चीहाः न्वसु' क्यनेत (°) व
'ताहाः न्वसु' क्यनेत (') छ्यलेगु यानावया च्वंगु दु । उकिं थ्वय् न्ह्यथनागु
माग्राखाःया इवलय् न्हासंथ्वइगु सः थुकथं ज्यनाच्चंगु दु ।

चीहाःन्वसु - ओ, ओ, ई, उँ, ऐ, यँ, याँ, वँ, वाँ

ताहाःन्वसु - अ, आ, इ, उँ, ए, यं, यां, वं, वां

ख) छु भाषाविद भाजुपिसं झीगु भासय् छ्यलावयाच्चंगु चि (')
या थासय् (° :) चि छ्यलेमाः धइगु धापू न्हावया दीगु खनेदु । छायाःसां
पँथया पं, कँथया कं, लनयां लं, मामया मां धापेवलय् (') या न्वसु पिमदं,
उकिं पँः, कँः, लँः, माँः छ्यलेमाः धइगु वय्कःपिनि धापू खः ।

संस्कृतया न्वसुपहः कथं जक छुनं आखः व चि छ्यलेमाः धयागु खःसा झीसं थौं छ्यला वयाच्चनागु फुहं आखःयात संस्कृतया न्वसुपहः कथं जक नवाना वयाच्चनागु मदु । संस्कृतया पहः कथं (') या न्वसु 'अम्', 'अन्' वा 'अड' कथं पिदनी । गथे—संज्ञना (सम्ज्ञना), वंदना (वन्दना), लंगुर (लङ्गुर)... । उज्वःकथं 'अम्', 'अन्' वा 'अड' या सः श्वकीगु न्वसुपहः न्हापा झीगु भासय् मदु । संस्कृत गहें प्रभावं थौंया झीगु भासय् उज्वःगु न्वसु छुं छुं व्वलंगु खनेदु । विशेष यानाः 'क' न्वसुतर्गिया आखः (') या लिउने वल धाःसा 'अड' न्वसु व्वलने फुगु खने दु । गथे—अंगः, पंगलः, झंगः, तप्यं... ।

नेपालिइ (') विया न्वसु नेपाल भाषाय् थें हे चीहाः न्वसु (ह्रस्व) खः । गथे—नेपाल भाषाय् 'कँ, खँ, जँ, लँ, सँ...' या न्वसु थें नेपालिइ 'अँ, उँ, तँ...' या न्वसु नं चीहाकय्क हे नवाः । नेपालीया पहः कथं 'आ' व 'ए' य् (') वलकि ताहाः न्वसु कथं नवाइ, नेपाल भाषाय् धाःसा 'आ' व 'ए' चीहाः न्वसु जूगुलिं थय्याःथाय् नं चीहाकय्क हे नवाइ । गथे, नेपालिइ 'यहाँ, त्यहाँ, कहाँ, जहाँ, सेठै.....' धायेबलय् ताहाः न्वसु पिदंसा नेपाल भाषाय् 'ताँ, याँउ. . .' धाये बलय् चीहाः न्वसु जक पिदं । तर नेपालिया 'यहाँ, त्यहाँ,' या 'हाँ' या न्वसु झीगु भासय् (') या न्वसु नाप भचा उजःलाः वः । गथे—

नेपाल भाषाय्

व कां मखु ।

वयबय् स्वां दु ।

छ थहां बा ।

नेपाली भाषाय्

कहाँ जाने ।

यहाँ आऊ ।

त्यहाँ जाऊ ।

उर्कि देवनागरि लिपि व चितय् न्वसु संस्कृतं न्ह्यच्याकातःगु पाय्छिपहः (शुद्धता) कथं मखु, झीगु भाय्या थःगु पहः कथं तालेमाः धकाः जि च्वय् हे न्ह्यथने धुंगु खः ।

ग) श्वयात हानं छकः न्वखंकेगु खःसा चिनिया भाय्यागु छगू दसु न्ह्यथने । चिनिया भासय् त्वसुपहः न्वखंकीगु गुगुं आखः मदु । श्व छगू कथंया 'किपाहना खेंवः' (Character) ज्याइगु भाय् खः । थौंकन्ह्य् चिनिया भाय्या न्वसुया पाय्छिपहः न्ह्यव्वयेत चिनिया भाषाविदपिसं रोमन लिपिया 'न्वसुदापु' न्हूकथं व्वःछी धुंकूगु दु । उगुकथं, 'प' न्वसुयात 'B', 'त' न्वसु-

गात D, 'क' न्वसुयात 'G' व 'थ' न्वसुयात 'T', छ्यलामालाय् हःगु दु ।
 थ्वं अन्तराष्ट्रिय मान्यता नं (संयुक्त राष्ट्र संघ...आदि थासं) काये धुकूगु
 दु । थुकि नं छु खँ कयं धाःसा आखः व चि धयागु गुगुं नं भाय्या थःगु पहः
 न्ह्यव्वयेगु दथुलें (माध्यम) जक खः ।

घ) न्हासंश्वःसःया खँया इवल्य् छता खँ न्ह्यथने बहः जू । झीगु
 भासय् फुकथें 'ने लिज्याना' मूयासुया न्ह्यआखः न्हासं थ्वइगु झीगु भाय्या
 छगू थःगु पहः खः । उकिं थज्याःगु खँवःया न्ह्यआखल्य् (°)
 तनेमाःगु खः । अथेजूसां थज्याःथाय् थौकन्ह्य् (°) या छ्यला तनावनेधुकूगु
 दु । थुकियानाः झीगु भासय् न्हासंश्वःसः यक्व म्हा जुयावनाच्चंगु दु । गथे 'कने'
 या 'कने', 'ब्वने' या 'ब्वने'; 'स्यने' या 'स्यने' . . . ।

२.६ बाग्वः (Consonants)

क) नेपाल भाषाया थःगु खँग्वलय् 'त' तंगि व 'ट' तंगिया न्वसु
 बिसकं बिसकं मदुगुलि 'त' तंगिया आखः जक छ्यलेगु याः । अथेहे 'श, ष,
 स' या बिसकं बिसकं न्वसु नं मदुगुलि 'स' छगः जक छ्यलेवं चाः । अल्य्
 'क्ष, त्र, ज' यात नं नेपाल भाषाया थःगु खँग्वलय् छ्यलेगु मयाः । थ्व खँय्
 फुकं धइथें भाय्लचंमिपिनि छगू हे बिचाः खने दु ।

ख) 'ह्, ह्य, ङ्ह, ह्य' संस्कृतया बाग्वःया धलकय् मथ्याःगु प्यंगः
 आखः खः । थज्याःगु न्वसु नेपाल भाषाया बाग्वःया धलकय् दयेमाःगु जूगुलि,
 अल्य् देवनागरि लिपिइ थमित पाय्छि जुइक न्ह्यव्वये फुगु छुं आखः मदुगुलि
 'ह' ह्वनाआखः कथं बाग्वःया धलकय् दुथ्याके माःगु खँय् नं अप्वः थें भाय्लचं-
 मिपिनिगु तःगु मत खनेमदु । अथेनं झीगु भासय् 'ङ्ह' आखः नं माःगु खँय्
 धाःसा झी भाय्लचंमिपिसं वाःचायेकूगु खने मदुनि । च्वज्याय् थ्वया थासय् 'न्ह'
 छ्यलामालाय् ज्यलाच्चंगु दु । गथे- 'ङ्ह'- 'न्ह', 'ङ्ह'- 'न्ह्यः', 'ङ्ह्यागु'-
 'न्ह्यागु' . . . । उकिं थ्व 'ङ्ह' झीगु न्वसुइ थौं तक ल्यनाच्चंगु दनिसां बुलुहुं
 न्हावने फु । थ्व खँय् आःयात थुलिहे जक न्ह्यथने । थन मेगु न्ह्यथने माः
 तायागु 'ङ', 'ञ', 'र', 'ह', 'ह्य' व 'ह्य' या खँ खः । थमिगु खँय् छुं भचा
 कुलेगु कुतः याये ।

ग) थौया नेपाल भाषाय् (येँ-यलया न्वसुइ) कथं पिदनीगु 'ङ'
 न्वसु खनेमदु । थ्व 'ङ' यात 'च' न्वसुतगिनय् तयाः नवानावयाच्चंगु दु ।
 अथेहे 'ञ' यात 'च' तंगिया न्वसुकथं नमवासे 'यं' कथं नवानाच्चंगु दु ।
 धात्यूला थ्वया न्वसु 'च' न्वसुतगिनय् पिज्वयेकेमाःगु खः धयागु खँय् हनेबह्य

रमापतिराज शर्मा भाजुं न्वखंक कनादी धुंकूगु दु । श्व न्वसु नेपाल भाषाया न्वसु धुकूया बय् खः । वय्कःया धापू वथं झीसं थौंकन्ह्य् छ्यलामालाय् हया-
च्वनागु 'निनि, न्या, निह, न्ह्यः . . . ' थें ज्याःगु खँखलय् 'ज' छ्यलेमाः ।
मथे— 'जिजि, जा, जिह, ज्ह्यः . . . ' ।

घ) 'ज' यात 'यं' धकाः नवानाच्चर्वि मनुतय्त 'च' न्वसुतगिनं सः पिका धायेगु ज्याखँय् (व्यवहारय्) उलि मत्वयेफु । अथे जूगुलि 'ज' या थासय् 'ङ' यात छ्यले फुसां झीगु थःगु न्वसु पहः छुं कथं त्यनाच्चने फु । अथेनं थौंकन्ह्य् झीगु च्वज्याय् 'ङ' या छ्यला नं त्वःफिना वने धुंकूगुलि श्व जक गुलि पाय्छि जुइ धाये थाकु । उकि ह्यति नि थज्याःगु थासय् () या छ्यला त्वःमफिइके माःला धइथें च्वं । श्व छगू सःलःया खँ खः ।

ङ) 'ह्य' व 'ह्व' यात झीगु बाग्वः धलकय् दुध्याकेमाः धकाः आपालं भाय्लचमिपिसं तयेका वयाच्चंगु दुसां 'ह्य' व 'ह्व' 'ह' आखःया मासु हनाय् दुध्यानाच्चंगु खने दु । गथे— ह, हा, हि, हु, ह्य, ह्या, ह्व, ह्वा । उकि थमित बिसक बाग्वः नाले माःगु मडु थें ताः ।

च) नेपाल भाषाया न्वसु धलकय् 'र' या सः मडु । भासय् षःगु हिलासु कथं थौंकन्ह्य् 'र' न्वसु दनावःगु खः । न्हापा न्हापा मेमेगु भासं वइगु दुतिना खँखलय् तर्क 'र' या 'ल' यानाः म्हुत्तु व च्वज्याय् नं छ्यला-
वयाच्चंगु खः । गथे— 'राक्षस'या लाखय् . . . ।

थौंकन्ह्य् आपाःथें भाव न्हाव्वइगु व्वाय्पासुइ (क्रियाविशेषणय्) 'र' च्वलंगु खनेदु । गथे— सिरिसिरि, सिरिरि, सिरं, फिरिफिरि, फिरिरि, फिरं, सुरसुर, सुरं, . . . । अथेहे 'त' न्वसुतगिया आखः खँखलय् ल्युने वा दथुइ वःसा 'र' जूवनीगु खनेदयावःगु दु । गथे— 'गथेखेसे' या 'गरखेसे'; 'मडु' या 'मरु'; 'छवे' या 'छरे'; 'छतका' या 'छर्का' . . . । थथे झीसं फतिफतले 'त' न्वसुतगिया आखः स्यंकाः 'र' मछ्यलेगु बांलाइ । छाथ्धाःसा थन 'त' तगिया आखःया हिलासु छगूहे कथं ज्यलाच्चंगु मडु । गनं गनंला तसर्कं हिसिमदयेक 'गथे' या 'गरे / घरे' व 'क्वदल' या 'क्वरल' . . . थें नं ज्यलावनोच्चंगु खनेदु । थुकि झीगु भासय् दयावयाच्चंगु 'वैज्ञानिक' पहः' व 'हिसि' यात नं स्यंकेफु । श्व खँय् रमापतिराज शर्मा भाजुं न्हापाहे न्वखंकादी धुंकूगु खः ।

छ) नेपाल भाषाया बाग्वः धलकय् 'न्ह', 'न्ह', 'ल्ह' यात थें 'ह' यात नं दुध्याकेमाः धाइपि नं दु । 'महि', 'कहः', 'जिह्वा'...थें 'ह' यात छथाय् निथय् छ्यलावयाच्चंगु नं खने दु । अथे खयां नं श्वया ज्यला

थौकन्ह्य् 'मरि', 'करः', कथं जुयावनाच्चंगु दु । उकि जितः ताःगु छु धाःसा झीगु भासय् 'र' या न्वसु मदुथें 'ह' या न्वसु नं बांजाक, क्वातुक हा कया-
च्चंगु खनेमदु, थ्व न्वसु नं न्वसुया हिलासु दं कथं जक छ्यलामालाय् वःगु
जुइमाः ।

ज) दकलय् जिपा, न्वसु धयागु भाय्या लसां खः । थौकन्ह्य्, लोकया
ह्युतुइ खने दुगु न्वसुपहःयातहे गथे खः अथेहे छ्यलेमाः, थ्वहे छगूयात जकं
भाय्या तर्गिज्याना दापु कथं नालेमाः तायेकीपि नं छथी खनेदुगु दु । थुकि
भाय्या पहः लाःला कथं ज्यलावनाः भाय्या हिसि तनावने फुगु खँ बाःचायेके
माः । उकि भासय् भाय्लचंया लसां तयाः पाय्छिगु पहः क्वःछिना तयेमाः ।
आःयात न्वसुया खँ थुलिहे ।

३. यासु (क्रिया)

नेपाल भाषा यासुइ तःमि धाइ । तःमि छु खँय् व गुलि तःमि धयागु
खँ दुग्येक वालाः न्ह्यब्वयेगु ज्या यायेत अझ यक्व कुतः जुइ मानिगु खने दु ।
यासुइ दुवालेगु ज्याय् अप्वः कुतः जूगुला खनेदु, अथे नं आपालं लिच्चः
पिकायेगुली माक्व कुतः जुइ फुगु मदुनि । अथेजूगुलि झीसं ध्यान तयेमाः तायागु
निता प्यता खँ थन न्ह्यब्वये ।

३.१ यासुया पहः

क) आपाःथें भाय्लचंमिपिसं झीगु भासय् मूयासुया पहः ध्वाथुइकेगु
इलय् मूयासुया लिआखः (ये, के, ते, ने, पे, ले) खुगः आखः वइगु खँ न्ह्यथंगु
खँने दु । धातुथेंला, झीगु मूयासुया धलकय् (ये, ने, ले, ते, पे) डागः जक
लिआखः दुगु खनेदु । थुकी नं 'पे' ज्याना यासु व 'ते' ज्याना यासु तसकं म्हु
जक खने दु ।

ख) यासुया धलकय् 'पे' ज्याना यासु दकलय् दुमधंगु व धितिमलाःगु
यासु खः । थौकन्ह्य् 'याये' व 'जुये' यासु छ्यलाः मेगु भाय्या खँवः दुतिनी
थें न्हापा छगू इलय् 'लपे' (याये) लितनाः मेगु भाय्या खँवः दुतिनेगु वा
न्हूखँवः ज्यायेगु ज्या याः । थ्व चलन थौं मदये धुकल । उबलय् छ्यला-
मालाय् दुगु छुं छुं खँवः थौं नं व्यवहारय् छ्यःनिसां थौकन्ह्य् 'ये' ज्याना
पहलं क्वत्यला यनाच्चंगु दु । गथे-

‘भपे’ (भलपे) या ‘भपिये’; ‘भपादिसँ’ या ‘भपियादिसँ’

‘भाःपे’ (भालपे) या ‘भाःपिये’; ‘भाःपादिसँ’ या ‘भाःपियादिसँ’ ;

‘द्वहलपे’ या ‘द्वहलपिये’; ‘द्वहलपादिसँ’ या ‘द्वहलपियादिसँ’।

ग) ‘के’ ज्याना यासु व ‘येके’ ज्याना यासु नं झीगु भासय् आपालं ज्यालाचवंगु दु । तर अपि फुक्क धाथेंला वहे चव्य् र्हाथनागु डागू कथंया (‘ये, ने, ले, ते, पे’ ज्याना) यासुया ‘व्छना छ्वाः’ (प्रेरणार्थक रूप) या ‘व्छने यासु’ (प्रेरणार्थक क्रिया) जक खः । गथे—

जि जा नये ।	जि जा नके ।
जि बाखं कँने ।	जि बाखं कँके ।
जि हाले ।	जि हायेके ।
जि धाये ।	जि धायेके ।
जि ह्यिते ।	जि ह्यितके ।
जि द्वहलपे ।	जि द्वहलपेके ।

घ) भाःपे यासुइ (संभाव्य यासुइ) थःनांवलं (सर्वनाम) याक (कर्ता) या ज्या याये फइ मखु । भाःपे यासुया ‘व्छने यासुइ’ धाःमा थःनां-भ्वलनं ‘याक’ (कर्ता) या ज्या याये फु । गथे—

काये- खापां काइ ।	जितः खापां कात ।
जि खापां काके ।	जि खापां काका ।
त्वये- निभाः त्वइ ।	निभाः त्वल ।
जि निभाः त्वयेके मफु ।	जि निभाः मत्वयेका ।

वये- फय् वइ ।	फय् वल ।
जि फय् वयेके ।	जि फय् वयेका ।

ङ) गुगुं नं ‘व्छने यासु’ या ‘व्छने पायासु’ (सह प्रेरणार्थक क्रिया) नं ज्यायेछि । थज्याःगु ‘व्छने पायासु’ ज्यायेत बिये यासु लितनेमाः । गथे—

काके- जि खापां काके । जि वयात खापां काके बिये ।
वयेके- जि फय् वयेके । जि वयात फय् वयेके बिये ।
कँके- जि बाखं कँके । जि इमित बाखं कँके बिये ।
नके- जि मचायात जा नके । जि वयात मचायात जा नके बिये ।

३.२ यासुइ ‘म’ ज्याना

क) नेपाल भाषाय् ‘मखुखँवः’ (Negative) व ‘अःखःखँवः’ (Opposite) गुकथं ज्यायेगु धयागु बांलाक स्वर्खकातःगु खनेमदु । वा छगू सूत्रय् हनातःगु खनेमदु । सामान्यकथं ‘मूयासु’ या र्हाःने ‘म’ ज्यायेवलम् ‘मखुखँवः’ जुइ धकाः र्हाथनातःगु जक खनेदु । गथे—
काये-मकाये; व्वने-मव्वने; लिब्वने-लिमव्वने . . . ।

ख) नेपाल भाषाय् फुकर्थे 'व्वाय्स्' (विशेषण) थःथवं यासु नं खः ।
थज्याःगु 'व्वाय्स्'हना यासुइ' (विशेषणात्मक क्रियाय्) 'म' ज्यातकि मखुव्वंगः
मजुसे अःखःखँवः जूवनी । गथे-

भिने-मभिने (भि-मभि); साये-मसाये (साः-मसाः);

बांलाये-बांमलाये (बांलाः-बांमलाः);

ग) थज्याःगु व्वाय्स्'हना यासुइ 'मखुव्वंगः' ज्यायेमाःसा 'मखु'
खँवः लितनेमाः । गथे-

भिनेमखु-भिनीमखु; भिकेमखु-भिकीमखु

बांलायेमखु-बांलाइमखु; बांलाकेमखु-बांलाकीमखु

साइमखु-साकेमखु-साकीमखु . . .

घ) यासु व्वाय्स्'सुया खाः ज्याइबल्य् उगु व्वाय्स्'सुया 'मखुव्वंगः'
ज्यायेमाःसा 'मजुये' खँवः लितनेमाः । गथे-

भिने-भि-भि मजुये-भि मजू,

बांलाये-बांलाः- बांलाः मजुये-बांलाः मजू,

साये-साः- साःमजुये-साः मजू

तुयुये-तुयु-तुयु मजूये-तुयु मजू

ङ) आः मखुव्वंगः व अःखःखँवः छकः न्ह्यच्याका स्वयेः

मखु खँवः	अःखः खँवः	मखुखँवः	अःखःखँवः
----------	-----------	---------	----------

भि मजू	मभि	ज्यू मजू	मज्यू
--------	-----	----------	-------

बांलाः मजू	बांमलाः	यःमजू	मयः
------------	---------	-------	-----

साःमजू	मसाः	सःमजू	मसः
--------	------	-------	-----

च) साभान्य यासुइ मेमेगु मज्याना खँवः तनाः कथं कथंया अर्थ पिदंके
ज्यू । गथे-

मज्यू-नये मज्यू, काये मज्यू, धाये मज्यू

मफु-दने मफु, सने मफु, हाले मफु

मसः-याये मसः, च्वये मसः, व्वने मसः

मत्यः--स्वये मत्यः, नतुइ मत्यः, यिये मत्यः

छ) उजंज्याना खँपु जूसा 'मते' लितनेमाः । गथे-कायेमते, व्वनेमते,
हितेमते, नयेमते हाकुकेमते, ताकुकेमते, बांलाकेमते, मभिकेमते ।

३.३ यासुया हिलासु (क्रिया रूपावली)

क) गुगुं नं भासय् यासुया पहः हिलां भाय् ज्यायेगु खँय् तःधंगु ज्या

याइ । अथेहे झीगु नेपाल भाषाय् नं थुक्रिया उलिहे मू दु । झी भाय्लचंमि-
पिसं थौंतकया दुने भाय्या यासु पहः गुकथं हिलासु दनाच्वंगु दु धयागु खंय्
दुवालाः आपालं खँ न्ह्यःने हयेगु कुतः जुगु खने दुसां थ्वयात छगू पाय्छिगु व
खःकथंया हनासुइ हनेगु कुतः पुवने धुकूगु खने महुनि । झी फुकथें भाय्लचंमि
भाजुपिसं झीगु यासु-पहःया हिलासु मालेत संस्कृत व अंग्रेजी भाय्या दापुतिइ
वा थासाय् तयास्वयेगु कुतः जुयाच्वंगु अप्वः खनेदु । थ्वहे खँ खःगु लँपुइ पलाः
लाकेत पंगलः जुयाच्वंगु दु । उकि, जि थवं खनागु छुं खँ थन न्ह्यथनेगु
कुतः यानागु दु ।

ख) 'थः' व 'कतः'— नेपाल भाषाय् यासुया हिलासु कथं 'याक' (कर्ता)
यात निव्वय् थले छि— 'थः' व 'कतः' । 'याक' थः (जि/जिपि/झी/झीपि)
जूसा यासुया हिलासुं छगू कथंया खवाः ज्याइ, 'याक' कतः (छ/छिपि/व/इपि/
सु/सुपि...) जूसा यासुया हिलासुं मेगु कथंया खवाः ज्याइ ।

ग) झीगु भासय् नं मेमेगु भासय् थें यासु निकथंया दु । 'यात काइगु'
(सकर्मक) व 'यात मकाइगु' (अकर्मक) । यासु 'यात काइगु' वा 'यात
मकाइगु' जुयां यासुया हिलासु पहल्य् छुं पाइमखु, पाइगु खँला 'याक' य् जक
खः । गथे, 'यात मकाइगु' यासुइ याकया खवाः हिली मखु, 'यातकाइगु' यासुइ
जक याकया हिलासु दनी । थ्व हिलासुं 'याक-यात हिलासु पहः'* (कारक
रूपावली) कथं खवाः ज्याइ । अथे हे 'व्छने यासु' या हिलासु 'यात काइगु'
यासुया थें जुइ ।

घ) झीगु भासय् यासु पहःया हिलासु डाकथं व्वथलेछि । (१) ईकथं-
यां हिलासु (२) पहःकथंया हिलासु (३) 'न्ह्यः' व 'अजू' कथंया हिलासु
(४) उजकथंया हिलासु (५) खँज्याना कथंया हिलासु ।

(१) ईकथंया हिलासु (काल रूपावली)— थुगु हिलासुया मू न्ह्यागुं
भासय् नं तःधं जुइ । थौंतक फुकथें भाय्लचंमिपिसं झीगु भाय्या यासुया
ईकथंया हिलासु ज्यायेत मेमेगु भासय् थें 'न्ह्यव', 'आव', 'लिब' (भूतकाल,
वर्तमानकाल, भविष्यकाल) धकाः स्वव्वय् ज्यायेगु कुतः जुयावयाच्वंगु दु ।
झीगु भाय्यात थुकथं ईकथंया हिलासु स्वव्वथलेगु पहः त्वः मजू । छाय्
धाःसा, थ्वयात स्वव्वय् ज्याइपिं छुं भाय्लचंमिपिसं 'यासु' या खवाः 'लिब'
व 'आव' निताल्य् छगू हे कथं ज्यनांच्वंगु दु धकाः धाः दु । गथे, वय्कःपिनि
धापू कथं 'याये' यासुयात न्ह्यवयास्वये—

*थ्व च्वसुया लिउनेया व्वय् 'याक-यात हिलासुपहः' यात न्ह्यथनागु दु ।

जि कन्ह्य ज्या याये ।

वं कन्ह्य ज्या याइ (लिव)

जि आः ज्या याये ।

वं आः ज्या याइ । (आव)

शुक्थं स्वयेबल्य् श्व 'याये-याइ' पहः लिव व आव निताल्य् ज्याना-
च्वर्थे खनेदु । अथेखःसा, श्वया 'याना-यात' पहः नं 'आव' व 'न्ह्यव' निताल्य्
ज्यानाच्वंगु नं खंकेफु । गथे-

जि आः ज्या याना ।

वं आः ज्या यात । (आव)

जि ह्यिगः ज्या याना ।

वं ह्यिगः ज्या यात । (न्ह्यव)

उकिं 'आव' या ख्वाः 'याये-याइ' खःलाकि 'याना-यात' खः छुं सीमंत ।

शुक्थं हे छुं भाय्लचंमिपिसं 'वं ज्या याः', 'वं खँ ह्लाः', 'व सफू खः',
'जिके ध्यवा दु (दः)' धकाः धायेगु पहः 'आव' या पहः खः धकाः न्ह्यथंगु
खनेदु । अथेखःसा,

'वं ह्यिगः ज्या याः ।' 'वं न्ह्याबलें ज्या याः ।' 'वं न्हापा न्हापा ज्या
याः ।' धायेबल्य् श्व 'याः' 'आव' या पहः खतला ? उकिं शुक्थं 'आव' या
ख्वाः ज्यायेगु पहः नं पाय्छि जूगु खनेमंत ।

झीगु भासय् 'ई कथंया हिलासुपहः' निकथं जक ज्याये छि । छगू, छुंनं
ज्याखँ छुइ न्ह्यः तकया पहः न्ह्यब्वइगु 'न्ह्यपहः' व मेगु छुं नं ज्याखँ छुइ
धुंकाःया पहः न्ह्यब्वइगु 'लिपहः' खः । श्वयात ववय् न्ह्यब्वया स्वये-

न्ह्यपहः

लिपहः

(यात मकाइगु यासु)

थःतंगि- (जि/जिपि/झी...) वये/वने/हाले/ह्यिते वया/वना/हाला/ह्यिता

कतःतंगि- (छ/छिपि/व/इपि...) वइ/वनी/हाली/ वल/वन/हाल/
ह्यिती ह्यितल

(यात काइगु यासु ।)

थःतंगि- (जि/जिमिसं/झीसं) याये/कने/काले/ याना/कना/काला/
सःते सःता

कतःतंगि- (छं/छिमिसं/वं/ याइ/कनी/काली/ यात/कन/काल/
इमिसं . .) सःती सःतल

(भाःपे यासु)

फय्

वइ/सनी

बल/सन

भुखाय्

ब्वइ

ब्वल

न्ह्यपहः

लिपहः

(व्छने यासु)

थःतर्गि-जि.....	वयेके/वके/हायेके/ह्मितके	वयेका/वंका/हायेका/ह्मितका
"	याके/कंके/कायेके/सःतके	याका/कंका/कायेका/सःतका
"	वयेके/संके/व्वयेके	वयेका/संका/व्वयेका
कतःतर्गि-छं/वं.....	वयेकी/वंकी/हायेकी/ ह्मितकी	वयेकल/वंकल/हायेकल/ ह्मितकल
	याकी/कंकी/कायेकी/ सतकी	याकल/कंकल/कायेकल/ सःतकल
	वयेकी/संकी/व्वयेकी	वयेकल/संकल/व्वयेकल

२) नेपाल भाषाय् सार्वभौम, सत्य व सदां वा इलय्-ब्यलय् जुया-
चवनीगु ज्वाखँ व पहःयात न्ह्यव्वइगु यासुया हिलासु पहःयात 'पहःकथंया
हिलासु' धायेछि । आपाःथें मेमेगु भासय् थज्वःगुकथंया हिलासुयात नं ईकथंया
हिलासुया 'आव' (वर्तमान काल) कथं काः । उर्कि हे भाय्लचंमिपिसं थ्वयात
झीगु भासय् नं 'आवपहः' कथं नाःगु खनेदु । झीगु भासय् थ्वयात ईकथंया
हिलासु नालेगु पाय्छि मजू धयागु खँ च्वय्हे न्ह्यथने धुन । आः थ्वया हिलासु
गुकथं ज्यनाचवंगु दु धयागु खँ छकः न्ह्यव्वया स्वये ।

थःतर्गि

कतःतर्गि

(यात मकाइगु यासु)

(जि/जिपि/झी/झीपि)

न्ह्याबलें वया/वना

(छ/छिपि/व/इपि...)

गबलें गबलें वः/वं

(यात काइगु यासु)

(जि/जिमिसं/झीसं)

अय्लाः मत्वना ।

फवर्गियात ध्यबा बिया ।

आखः व्वंकाया ध्यबा कया ।

(छं/छिमिसं/वं/इमिसं/...)

चुरोट मत्वं ।

फवर्गियात ध्यबा ब्यू ।

आखः व्वंकाया ध्यबा काः ।

(व्छने यासु)

(जि/जिमिसं/झीसं)

जू मह्मितका

स्कूलय् व्वंका

फवर्गियात ध्यबा बीका

(छं/छिमिसं/वं/इमिसं...)

जू मह्मितकू

स्कूलय् व्वंकू

फवर्गियात ध्यबा बीकू

(भा:पे यासु)

थन ह्रिगः नं निभा: त्वः, थौं नं निभा: त्वः ।

थौं वा वइ छा: मवः, कन्हय् नं वा वइ छा: मवः ।

तराइलय् तांन्वः । थ्व भिगु खः ।

जिके छ्यबा दु (दः) । झंगः ब्वये फु (फः) ।

पृथ्वी खःलाः । छ बांलाः ।

३) 'न्ह्यसः व अजू कथंया हिलासु' ज्यायेत न्हापां 'छ व छिपि' यात कतःतगिनय् मतसे थःतगिनय् तयेमाः । उकि 'जि/जिपि/झी/झीपि' या हिलासु गुकथं ज्यनीगु खः, 'छ/छिपि' या हिलासु पहः नं उकथं हे ज्यनी ।

यासुया हिलासु पहः ब्याक्क च्वय् न्ह्यथनार्थे हे जुइ, अलय् 'न्ह्यसः व अजू' थ्वयेकेत ल्युने 'ला' लितसा तयेवं चाः । न्ह्यपहलय् यासुया ज्या ज्यनी-मज्यनी थूमव्यनीगु (निश्चित मजुइगु) जूगुलि, न्हापां अजू व्यंकेत (थूमव्यकं अजूमव्यनीगु जूगुलि) यासुइ 'गु' लितनाः थूव्यकेमाः, अलय् तिनि 'ला' लितसा तयाः अजू व्यंके फइ । गथे-

न्ह्यपहः हिलासु लिपहः हिलासु पहःकथंया हिलासु

(यात मकाइगु यासु)

थःतगि-जि/जिपि/ वयेला? वयेगुला! वयाला?! वयाला?!
छ/छिपि...

कतःतगि-व/इपि... वइला? वइगुला! वलला?! वःला?!

(यात काइगु यासु)

थःतगि-जि/छ/... बियेला? बियेगुला! बियाला?! बियाला?!

कतःतगि-वं/इमिसं/... बिइला? बिइगुला! बिलला?! ब्यूला?!

(भा:पे यासु)

भुखाय् ब्वइला? ब्वइगुला! ब्वलला?! ब्वःला?!

(छवने यासु)

थःतगि-जि/छ... वयेकेला? वयेकेगुला? वयेकाला?! वयेकाला?!

बियेकेला? बियेकेगुला! बीकाला?! बीकाला?!

ब्वयेकेला? ब्वयेकेगुला! ब्वयेकाला?! ब्वयेकाला?!

कतःतगि-वं/ बयेकीला? बयेकीगुला! वयेकलला?! वयेकूला?!

इमिसं/... बीकीला? बीकीगुला! बीकलला?! बीकूला?!

ब्वयेकीला? ब्वयेकीगुला! ब्वयेकलला?! ब्वयेकूला?!

४) उजंकथंया हिलासु ज्यायेत 'ये, ले, ने' ज्याना यासुइ 'ये, ले, ने' निकायेव गाः । थुकी न्ह्यआखः 'इ-ज्याना' जूसा जक 'ये, ले, ने' या थासय्

‘उ’ वइ । अथेहे ‘के, ते, पे’ ज्याना यासुइ ‘के, ते, पे’ यात इ ज्यायेमाः ।
मतेउजं ज्यायेगु खःसा यासुपहः स्यंके म्वाः, ‘मते’ खँग्वः जक लितंसां गाः
धयागु खँला ज्वय् नं न्ह्यथने धुन ।

यासु	उजं	मतेउजं	व्छनेयासु	उजं	मतेउजं
नये	न	नयेमते	नके	नकि	नकेमते
बिये	ब्यु	बियेमते	बीके	बीकि	बीकेमते
हाले	हा	हालेमते	हायेके	हायेकि	हायेकेमते
कँने	कँ	कँनेमते	कंके	कंकि	कंकेमते
ह्यिते	ह्यिति	ह्यितेमते	ह्यितके	ह्यितकि	ह्यितकेमते
भपे	भपि	भपेमते	भपिके	भपिकि	भपिकेमते

५) मेगु ‘इ-व्यः’, ‘ज्या-खँ’ व ‘पहः’ श्वकेत (स्थिति न्ह्यव्वयेत)
यासुयात पायासु (सहायक क्रिया) या तिबःमाः । श्वयात निव्वय् थले छि ।

i) ‘धुने, सिधये, त्यये, माले, जिये, सये व बिये...’ थें ज्वःगु छुं
यासु पायासु कथं वल धाःसा न्ह्यायासुया पहः हिलीमखु, पायासुया पहल्य् जक
हिलासु दनी । ‘बिये’ यासुयात निव्वयन् पायासु कथं दुश्याके छि । थुगु व्वय्
‘बिये’ यासु व्छनेपायासुया ज्या जक याइ ।

	न्ह्यपहः	लिपहः
धुने-	जि वये धुने । जि वये धुंके । छ/व वये धुंकी । जि/छ वये धुंकेला ? जि/छ वये धुंकेगुला !	जि वये धुन । जि वये धुंका । छ/व वये धुंकल । जि/छ वये धुंकाला ? जि/छ वये धुंकाला !
बिये-	मे हाले बिये । मे हायेके बिये ।	प्याखं हुले बिया । प्याखं हुइके बिया ।
सिधये-	जि जा नये सिधइ	जि जा नये सिधल ।
त्यये-	वने त्यइ	वने त्यल
माले-	द्यने माले	द्यने माल
जिये-	सने जिये	सने जिल
सये-	ज्या याये सये	ज्या याये सल

ii) मेमेगु यासु पायासुकथं वल धाःसा न्ह्यायासुया लिआखलं आ-
ज्याइ अल्य् पायासु कथं वइगु यासु न्हापाथें हे हिलासु ज्याइ । श्वयात झीसं ‘या
पहः’ धकाः नं धायेफु । श्व पहः नेपाल भाषाया थःगु हे कथंया छगू पहः खः ।

अज्याःगु हे कथंया छगू 'पहः' जापानी भासय् नं दु । वयात 'तेपहः' ('te' form) धाइ । जापानी भासय् तेपहःया छगू तःधंगु थाय् दु खें झीगु भासय् नं थ्वया अज्याःगु हे थाय् दु । थ्व 'या' झीगु भासय् गुकथं ज्यलाच्चंगु दु क्वय् न्ह्यब्वया स्वये ।

वये-वयाच्चने

जि थन वयाच्चने ।

जि थन वयाच्चना ।

छ/व थन वयाच्चनी ।

छ/व थन वयाच्चन ।

जि/छ थन वयाच्चनेला ?

जि/छ थन वयाच्चनाला ?

व थन वयाच्चनीला ?

व थन वयाच्चनला ?

छ थन वयाच्चं । (उजं)

छ/व थन वयाच्चं । (पहः)

धाये- धयाबिये - धयाबिया - धयाबिइ - धयाबिल

नये - नयास्वये - नयास्वया - नयास्वइ - नयास्वल

काये- कयातये - कयातया - कयातइ - कयातल

स्वये- स्वयावने - स्वयावना - स्वयावनिइ - स्वयावन

बिये- बियाथके - बियाथका बियाथकिइ - बियाथकल

कने- कनाबिये - कनाबिया - कनाबिइ - कनाबिल

सःते- सःताव्छये - सःताव्छया - सःताव्छइ - सःताव्छल

हाले- हालाक्यने - हालाक्यना - हालाक्यनिइ - हालाक्यन

(iii) पहःकथंया यासुइ 'वने' व 'दये' पायासु वल धाःला ज्याखँया

स्थिति न्ह्यब्वइ । गथे-

जि ज्या याः वने ।

व धयवा काः वन ।

छ जा नः वनी ।

छेँ स्वः दु ।

मचा काः मदु ।

पसलय् न्याः मदु ।

(iv) झीगु भासय् पायासु लिसाज्यानाः नं खँश्वके ज्यू । च्वय् न्ह्य-

थनागु यापहः मज्याइगु पायासुइ हानं अज्याःगु हे 'या' मज्याइगु पायासु

लिसा-ज्यात धाःसा दकलय् ल्युनेया यासुं जक हिलासु दनी । मेगु यासु थःगुहे

न्ह्यपहलय् च्वनी । गथे-

वये धुने माल ।

वये धुंके माल ।

वये माले धुकल ।

वये मायेके धुन ।

वये त्यये धुकल ।

बये त्ययेके धुन ।

याये सये धुकल ।

याये सयेके धुन ।

याये धुंके सल ।

याये सयेके धुकल ।

याये सिधये धुकल ।

याये सिधयेके धुन । ...

(v) यापहः ज्याङ्गु पायासुइ यापहः मज्याङ्गु पायासु लिसाज्यात ,
धाःसा दथ्या पायासु थःगु न्ह्यपहल्य् च्वनी ल्यूनेया पायासुं हिलासु ज्याइ ।
गथे,-

यानाच्चने माल ।

यानाच्चने जिल ।

बियाळ्ये त्यल ।

नयास्वये धुन ।

(vi) यापहः ज्याङ्गु पायासुइ मेगु यापहः ज्याङ्गु पायासु हे लिसात
धाःसा न्ह्ययासु-दथ्यासु निगुलि नं आज्याइ, ल्यूनेया पायासुं जक हिलासु
ज्याइ । गथे,-

यानाबिया च्वने ।

धयाबिया च्वना ।

नयाच्चना तिति ।

बियाच्चना धाल ।

ङ) यासु ज्यानाय् 'या' व 'याः' या थाय्- नेपाल भाषाया खँपु
ज्यानाय् 'या' व 'याः' तव्याक ज्यानाच्चंगु दु । थ्व 'या' व 'याः' स्वयेबल्य्
उथें च्वंसां उकीया अर्थ पाः । यासुया ल्यूने पायासु ज्यायेबल्य् गुकथं 'यापहः'
पिदनीगु खः धयागु खँ ला च्वय् न्ह्यथनेहे धुन । छुं नं ज्याखँ 'जुइ धुंकाः' वा
'याये धुंकाः' धकाः खँ थ्वकेत यासुया थ्व यापहल्य् ल्यूने 'व' ज्यायेगु पुलांगु
पहः खः । न्ह्यआखलं लिमाग्वः- यात सालाः नवायेगु पःहकथं वहे 'व' यात
सालाः नयायेगु इबल्य् 'व' दुसुनाः ताहाःस्वसु कथं 'याः' खनेदःबःगु खः ।
क्वय् 'या' व 'याः' गुकथं ज्यानाच्चंगु दु छकः न्ह्यव्वया स्वये-

जि ज्या यानावने । (जि मद्दि ज्या यानां यंके ।)

जि ज्या यानाः वने । (जि ज्या याये धुंकाः वने ।)

छं न्येना स्व । (छं न्यनेमु ज्या या ।)

छं न्येनाः स्व । (छं न्येने धुंकाः जक स्वयेगु ज्या या ।)

जि धयाबिया । (जि धायेगु ज्या याना ।)

जि धयाः बिया । (जि धाये धुंकाः बिया ।)

३.४ यासुइ 'गु' पहःया खँ-

क) नेपाल भाषाय् 'गु' या बिसकं मू दु । नेपाल भाषाय् 'गु' या
गज्याःगु थाय् व मू दुगु खः, अज्याःगु पहः मेमेगु भासय् खने मदु । उकि थ्व
'गु' ज्यायेगु पहः नेपाल भाषाया थःगुहे पहः खः । 'गु' या कथकथंया पहः
उखें थुखें न्ह्यव्वयातःगु खने दुसां, आःतक झी भाय्लवंमिपिसं 'गु' यात
क्ववालाः वयापहःयात पुवंक व कथंहंक न्ह्यव्वयेगु ज्या जूगु खने मदुनि ।

मेथाय् न्ह्यथनातये धुंकूगु आपा: खँयात मवासे झीगु भाय्या यासुइ 'गु' गुकथं ज्यानाच्चंगु दु वयात जक छुं छुमांकीगु कुत: याये ।

ख) नेपाल भाषाया यासुइ ज्याखँया थूव्यकेत (निश्चितता क्यनेत) 'गु' लितँसा ज्याइ । उजकथं हिलीगु हिलासुइ त्वःता: मेगु फुकं कथंया यासुया हिलापहल्य 'गु' लिज्याये छि । यासुया न्ह्यपहल्य 'गु' लिज्याना: उज ज्यायेनं ज्यू ।

वने-वनेगु

जि वने । जि वनेगु । (जि वनेगु इच्छा याना ।)

जि वनेगु जुल । (जि वनेगु निश्चित जुल ।)

व नं वनीगु ख: । (व वनीगु नं निश्चित ख: ।)

जिपि ह्मिग: अन वनागु ।

छ नं वनेगु ला ?

छिपि वंगु बांलात ।

ह्मिग: छ न्हापनं वनागु ला ?

थौं व न्हापां वनीगु ला ?

थौं छ लिवाक वनेगु ! (थौं छ लिवाक जक हुँ ।)

ग) यासुइ 'गु' लितँसा बिया: व्वाय्खंके (गुग ह्मासीकेगु) नं ज्यू । थुकथं व्वाय्खंकेगु यासुं ब्य: व थाय् स्वया: व्वाय्सू वा नांग्व: कथंया ज्या याइ । गथे—

ह्वये— ह्व:गु स्वां ।

भिने— भि— भिगु ज्या ।

बांलाये— बांला:— बांला:गु वस: ।

नये— नयेगु छु दु ?

स्वये— जिमिथाय् स्वयेगु दु ।

३.५ नेपाल भाषा यासुहना भाय् ख: । थ्वया फुकथें व्वाय्सू (विशेषण) थ:थव यासुं नं जूथे फुकं यासुया व्वाय्पासु (क्रिया विशेषण) नं ज्वाये ज्यू । अथेहे यासुइ कथं कथंया लितँसा तना: कथं कथंया खँभाय् नं ज्वाये ज्वाछि नांग्व: नं ज्वाये ज्वाछि । त्वयेक यासु ज्वाना: कथं कथंया खँभाय् प्वकेंगु झीगु थ:गु पह: ख: । मेमेगु भासय् थें झीगु भासय् नांग्व: (संज्ञा) आपा: मदु धका: नुग:क्वतुंके मा:गु छुं मदु । 'याये' व जुये' खँग्व: छ्याना: संस्कृत वा मेगु भास थें खँभाय् प्वकेंगु पह: झीगु भाय्या थ:गु पह: मखु । झी न्वमिपिसं

खँभाय् ज्यायेगु थःगु पहः ल्वःमंका च्वंगुलि झीगु भासय् थःगु नुगः खँ प्वंकेते
खँग्वः हे मदुथें ताइगु खः । उकिं यासुइ दुवालाः झीगु भाय्या पहःयात
न्याब्वयेगु, भाय् तःमि यायेगु ज्या नं खः । यासुया खँ आःयात थुलिहे ।

४. याक-यातहना (कारक)

क) खँपु ज्यानाय् नांग्वः व थःनांग्वः (नाम-सर्वनाम) या यासुनाप
दइगु स्वापूया पहः 'याक-यातहना' ज्यां क्यनी । झीगु नेपाल भाषाय् थुकिया
'हनासु' (सूत्र) मालेत गुलिखय् भाय्लचंमिपिसं थःथः कथं कुतः जूगु खने दु ।
अथेनं छगु पाय्छिगु हनासु पिदंगु खने मदुनि । झी भाय्लचंमि पुष्परतन 'सागर'
भाजुला 'सर्वनाम शब्दया कारकयागु विभक्ति चिन्हया नियम मदुगुलि व्याकक
कारकया रूपावली बांलाक लुमंका तये मावगु दु ।'* धकाः तकं धयादिल ।
वय्कलं झीगु नेपाल भाषाया पहःयात व्याकक संस्कृतया भाय्लचं दापुतिइ
तयाः हनासु हनेगु बा न्याब्वयेगु कुतः यानादीगुलि उकीयात पाय्छिगु पहः
लुइके मफयाः अथे धाःवने माःवंगु खनेदु । उकिंहे जिं खनागु याक-यात हनासु-
या छुं खँ व थ्वया 'हनासु'** यात थन न्याब्वयेगु कुतः यानागु दु ।

ख) नेपाल भाषाय् 'याक-यातहना' या हिलासु मूकथं निगू पहलं
हिलासु ज्यानाच्चंगु खने दु ।

ल्लापांगु- नांग्वः व थःनांग्वःया मूखँग्वःहे थ्वया न्हापांगु पहः खः ।
छुनं खँग्वलं 'याक' (कर्ता) या ज्ञा याइबलय् 'यातमकाइगु यासु' (अकर्मक
क्रिया) काःसा थःगु मूखँग्वःया ख्वाः हिलीमखु । उकिं थ्वयात 'याकपहः'
धकाः नं धायेछि । गथे- जि, छ, व, झी, गुइ, मनूत, पासापि...।

निगूगु- खँग्वलं 'यातहना' (कर्म,... आदि) या ज्या याःसा थ्व निगूगु
पहःकथं हिलासु दनी बा थुकिं खँभाय्कथं, कथंकथंया लितँसा काइ । अथेजूगुलि
थ्वयात 'यातहनापहः' धकाः नं धायेछि ।

ग) नेपाल भाषाया खँभाय् ज्याये बलय् कथं कथंया खँग्वः ववय्
न्याथनागु हनासु कथं न्हापांगु पहलं निगूगु पहलय् हिलासु दनी । खँग्वः
म्हछिज्याना (एकवचन) जूसा उकिया हिलासु थुकथं जुइ-

i) 'जि, छि, थः' नं थःगु ख्वाः हिलीमखु । थुकिइ 'न्हापांगु हिलासु
पहः' व 'निगूगु हिलासु पहः' छगूहे जुइ ।

ii) 'छ' या 'निगूगु हिलासु पहः' () तँसाज्यानाः 'छ' जुइ ।

* सुबोध नेपालभाषा व्याकरण- पौल्याः ४१ ।

** 'याक-यातहना' या हनासु धलः ल्युने न्याब्वयागु दु ।

iii) 'ह्य-ज्याना' खँवल्य हिलासु ज्यायेत 'सिया' लिज्यायेमाः । गथे- गुम्हसिया, छम्हसिया, भिम्हसिया ... । थ्व म्हज्याना खँवःयात 'एज्यानाः' नं छयः । गथे- छम्हेसिया, भिम्हेसिया । थुकी लितँसा ज्यायेबल्य गुबले 'या' दुसुन वं । गथे- छम्हसित, छम्हेसित ... ।

iv) मेगु फुकं खँवल्य 'या' लिज्यायेमाः । गथे- वया, थ्वया, मांया, सफूया... । 'चा' लिज्याना खँवः जूसा हिलासु ज्यायेबल्य 'चिया' जुइ । थ्वं लितँसा काइवल्य गुबले गुबले 'या' दुसूवं । खँवः तःम्हज्याना (बहुवचन) जूसा उकिया हिलासु क्वय् न्ह्यथनाथे जुइ ।

v) 'झी'¹ नं थःगु ख्वाः हिलीमखु । थुकिइ न्हापांगु हिलासु पहः' व 'निगूगु हिलासु पहः' छगूहे जुइ ।

vi) 'जिपि, छिपि, थपि,² इपि,² सुपि, गुपि' या 'पि' हिलाः 'मि' जुइ । गथे- 'जिमि, छिमि, थमि, इमि, सुमि, गुमि ।

vii) मेगु फुकं 'पि' ज्याना खँवल्य 'नि' लिज्यायेमाः । थथे 'नि' लिज्यायेबल्य 'पि' या (') दुसूवनाच्चंगु दु । गथे- थःपिनि, हुंपिनि, मांपिनि, भिपिनि ... ।

viii) 'त' ज्याना खँवः फुकय्सं 'य्' लिज्यायेमाः । गथे- मतूतय् खिचातय् ... ।

घ) 'याक-यातहना' या व्वज्याना व लितँसाया खँ-

नेपाल भाषाय् याक-यातहनायात निव्वय् थलेछि । 'याक व्व' व 'यातहना व्व' । याक-यातहनायात जितँसा ज्यानाः व लितँसा मज्यासे छचले ज्यू ।

याकव्व, न्हापांगु हिलासु पहल्य् ' ('), नं' ज्यानाः व निगूगु हिलासु पहल्य् 'सं' लितँसा ज्यानाः छचले ज्यू ।

यातहनाव्व, निगूगु हिलासु पहल्य् 'त', 'गु', 'म्ह', 'के' लिज्यानाः व कथं कथंया 'थाय् थ्वकीगु बग्यासासु' (क्रिया विशेषण) 'थाय्, नाप, न्ह्याःने, ल्यूने, च्वय्, क्वय् ...' लितँनाः छचलेज्य् । अल्य् 'थाय् थ्वकीगु यातहना'

¹ 'झी' या 'झीपि' कथं नं छयःसां झीपिया त्रिसकं हिलासु मज्यं, थुकि लितँसा नं मकाः । 'झीपि' या हिलासुया थाय् 'झी'या हिलासुं हे फुदनाच्चंगु दु ।

² 'थ्व'या तःम्हज्याना थपि, थिपि, थुपि, अल्य् 'व' या तःम्हज्याना अपि, इपि, उपि कथं ज्यानाच्चंगु दु ।

जूसा न्हापांगु हिलासु पहल्य् 'स' (य्, इ) ज्यानाः छयलेज्यू । श्वयात न्वख्केत ववय् विसकं विसकं न्ह्यव्वया स्वये ।-

१) याकव्व- नेपाल भाषाय् कर्ता, करण व अपादान कारकया विसकं विसकं खवाः मदु । थुकियात नेपाल भाषाय् संकाःकथं 'याक' धाये छि । श्व म्हछिज्याना (एकवचन) जूसा न्ह्याबलें न्हापांगु हिलासु पहः कथं हिलासु दनी । अल्य् श्व 'यातमकाइगु यासु' (अकर्मक क्रिया) नाप वःसा थुकिइ छुं कथंया लितँसा नं तँनेम्बाः । यातकाइगु यासु (सकर्मक क्रिया) नाप वःसा () तँसा ज्यायेमाः । खँवल्य् दुसृगु लिआखः पिदने थाकुसा बा 'इ', 'उ', 'य्' लिज्याना खँवल्य् 'न' तँसाज्यायेमाः । गथे, मां-मानं, बाः-बाःनं, दाइ-दाइनं, भउ-भउनं, काय्-काय्नां ... । अथेहे 'सु' खँवः छथाय् 'सुनां' जुयाच्चंगु दु । 'म्हज्याना' खँवः जूमा निगूगु हिलासु पहः कथं हिलासु दनी, अल्य् श्व यातकाइगु यासुनाप वःसा थुकि () तँसा काइ । गथे- गुम्ह- गुम्हसियां, छम्ह-छम्हसियां ... ।

'याक' तःम्हज्याना (बहुवचन) जूसा निगूगु हिलासु पहः कथं हिलासु दनी । अल्य् श्व यातकाइगु यासुनाप वःसा फुकय्सं 'सं' लितँसा च्वनी । श्व 'सं' 'पि' नापं वःसा पि या () दुसुइ । यात मकाइगु यासुनाप वःसा थुकिइ छुंनं लितँसा ज्यायेम्बाः ।

यातकाइगु व यातमकाइगु यासु ज्यानाय् 'याक' या खवाः गुकथं जुइ ववय् न्ह्यव्वया स्वये ।

यातकाइगु यासुनाप

जि वये ।

छ च्वे ।

व हाल ।

मां झाल ।

सु छेय् वनीगु ?

झी/झीपिं म्हिते ।

अन मनूत दु ।

काय्पिं छेय् मदु ।

वा वइ ।

ज्यासःह्य मवः ।

यातमकाइगु यासुनाप

जि झ्यालं स्वये ,

छं तुति चु ।

वं अप्पां कयेकन ।

मामं/मानं मचायात दुरू त्वंकल ।

सुनां सःतूगु ?

झीसं ज्या याये ।

मनूतय्सं धाइ ।

काय्पिसं हायेकल ।

वां दाइ ।

भिहासियां स्यंकीमखु ।

२) यातहना न्व- नेपाल भाषाया खँभासय् 'याक' (कर्ता, करण व

अपादान कारक) यात त्वःताः मेगु फुकं (कर्म, सम्प्रदान, संबन्ध व अधिकरण कारक) यात 'यातहना' धायेछि । थ्व 'यातहना' थाय्थ्वकीगु (स्थान अधिकरण कारक) जसा न्हापांगु हिलासु पहः कथं हिलासु दनी । मेगु फुकं थासय् निगूगु हिलासु पहः कथं हिलासु दनी ।

थमित ज्याखँ व पहः कथं मेगु स्वरव्य थलेछि । अलय् थुमित लितँसा मज्यासे बिसकं बा लितँसा ज्यानाः छथले ज्यू ।

i) नेपाल भाषाय् कर्म व सम्प्रदान कारकया बिसकं बिसकं छ्वाः मदु । नेपाल भाषाय् थ्वयात 'यात' धायेछि । थुकिइ 'त' (वा 'तः')¹ लितँसा च्वनी । थ्वया पहः (स्वभावगत स्थिति) थ्वकेत लितँसा ज्यायेम्नाः । गथे—

पहः थ्वके	खँ थ्वके
जि नये पित्यात ।	जितः त्वनेत लः हजि ।
छि म्हं फुला ?	छितः छु यः ?
वया न्ह्यः वल ।	वयात दुरुया ध्यबा ब्यु ।
छं प्याखं स्वये यःला ?	छंत प्याखं क्यनला ?
मांया त्यानुल ।	मांयात ध्यबा ब्यु ।
पवंगाया खोल ति ।	लुंयात खोल म्वाः ।
मचातय् नये माल ।	फत्रगितय्त ध्यबा ल्यु ।
मिपि सकसियां यइ ।	मांपिनित ग्वहालि या ।

ii) नेपाल भाषाय् यातहनां प्राणिनापया स्वापू थ्वकूसा (संबन्ध कारकय्) 'ह्वा'ज्यायेमाः अलय् अप्राणिनापया स्वपू थ्वकूसा 'गु' ज्यायेमाः । स्वापू स्याः (घनिष्टता) थ्वःसा लितँसा म्वाः । गथे—

स्याः थ्वके	प्राणि थ्वके	अप्राणि थ्वके
जि मचा ।	जिह्वा मचा	जिगु ज्या
छं किजा	छंहा केँहे	छंथु लं
वया छेँ	वयाह्वा बिचा	वयागु छेँ
जिमि पासा	जिमिह्वा सा	जिमिगु क्यब
पासापिनि खँ	पासापिनिह्वा दुगुचा	पासापिनिगु सफू
मचातय् ज्या	मचातय्म्ह कतांमरि	मचांतय्गु न्ह्यवःसा
झ्याःया धकि	झ्याःयाम्ह झंगः	झ्याःयागु सिँ

iii) नेपाल भाषाय् 'यातहनां' (प्राणि अधिकरण कारक) 'म्ह'

¹'जि' व 'छि' या ल्युने निथाय् जक 'तः' वइ, मेथाय् फुक थासय् 'त' जक वइ ।,

श्वकूसा 'के' लितँसा वइ । थुकिं थुगुइलय् सुयाके छु दु धयागु 'पिखँ'
(तात्कालिक स्थिति) जक न्ह्यथनी, सुयागुं दुखँ (वास्तविक स्थिति) न्ह्यथनी
मखु । दुखँ न्ह्यब्वथित लितँसा ज्यायेम्वाः । 'के' लितँसा ज्यायेगु व मज्यायेगु
निइ खँमाय् (अर्थ) हे पाःवनेकु । गथे— सुयागुं ल्हाःतिइ ध्यबा दयेवं व मनू
तःमि जुइमखु, गथेहे सुयागुं ल्हाःतिइ थुगुइलय् ध्यबा मदयेवं व मनू चीमि
जुइगु नं मखु । क्वय् 'के' ज्यानाः व 'के' मज्यासे छु दसु न्ह्यब्वये ।

दुखँ श्वके

जि ध्यबा मदु ।

(जि चीमि ।)

वया मचा मदु ।

(वं मचा बुइकूगु मदु ।)

छं छेयुं दु ।

(छंके थःत माक्व दु ।)?

छिमि ज्या दु ।

खिचाया झां दु ।

दुपिनि ज्यू ।

फवंगितय् वसः मदु ।

ई श्वके

जिके ध्यबा मदु ।

(जिगु ल्हाःतिइ ध्यबा मदु ।)

वयाके मचा मदु ।

(वं मचा कयातःगु मदु ।)

छंके छु दु ?

(छंगु ल्हाःतिइ छु दु ?)

छिमिके रफू दु ।

खिचायाके क्वय् दु ।

दुपिनिके सकतां दु ।

कःमितय्के ज्याभः दु ।

iv) नेपाल भाषाय् यातहनां (स्थान अधिकरण कारकं) थाय्
श्वकूसा न्हापांगु पहःकथं हिलासु दनाः 'स' लितँसा च्वनी । थौकन्हय् श्व
'स' लितँसा, इ-लिज्याना व उ-लिज्याना खँग्वलय् 'इ' जुयाः हिलीगु व
मेगु खँग्वलय् 'य्' जुयाः हिलीगु जुयाच्वंगु दु । थुकिइ नं पहः (स्थिति)
श्वकेत लितँसा ज्याये म्वाः । गथे—

पहः श्वके

मिहचा जाः ।

ल्हाः प्व ।

वया भु जाः ।

छँ श्वके

मिहचाय् जायेक ध्यबा दु ।

ल्हाःतिइ छु मदु ।

छंगु भुइ जा दु ।

v) नेपाल भाषाय् 'यातहना' नाप कथं कथंया ब्वाय् यासु (क्रिया
विशेषण) (थाय्, नाप, नापं, लिक्क, च्वय्, क्वय्, न्ह्यःने, ल्युने, जवय्,
खवय् ...) नं ज्याये ज्यू । थथे ब्वाय्यासु 'यातहना' निगूगु हिलासु पहः
कथं हिलासु दनी । निगूगु हिलासु ज्याये बलय् 'या' लिज्यायेम्वाःगु खँग्वलय्
('जि, छि, थः, छ, झी') नं ब्वाय्यासु लिज्याये बलय् न्हापां 'या' बा 'गु'
नि लिज्यायेमाः । 'थाय्', 'नाप', 'नापं' व 'लिक्क' खँग्वः छयलेत धाःसा

शुकी 'या' लिज्यानामचवसां ज्यू १ गथे-

जिथाय् (जियाथाय्)	जिनाप (जियानाप)	जियाच्चय्
	(जिगुनाप)	(जिगुच्चय्)
छिथाय् (छियाथाय्)	छिनाप (छियानाप)	छियाच्चय्
	(छिगुनाप)	(छिगुच्चय्)
थःथाय् (थःयाथाय्)	थःनाप (थःयानाप)	थःयाच्चय्
	(थःगुनाप)	(थःगुच्चय्)
छंथाय् (छंयाथाय्)	छंनाप (छंयानाप)	छंयाच्चय्
	(छंगुनाप)	(छंगुच्चय्)
झीथाय् (झीयाथाय्)	झीनाप (झीयानाप)	झीयाच्चय्
	(झीगुनाप)	(झीगुच्चय्)
वयाथाय्	वनाप (वयानाप)	वयाच्चय्
	(वयागुनाप)	(वयागुच्चय्)
पासापिनिथाय्	पासापिनिनाप	पासापिनिच्चय्
ल्याय्महतय्थाय्	ल्याय्महतय्नाप	ल्याय्महतय्च्चय्
छेँयाथाय्	छेँयानाप	छेँयाच्चय्
छम्हसियाथाय्	छम्हसियानाप	छम्हसियाच्चय्

ङ) नेपाल भाषाय् 'याक-यातहना' या हिलासु गुकथं ज्यानाच्चंगु दु घयागु खँय् थन छुं भच्चा कुलेगु ज्या जक यानागु दु । थन अझ दुग्यायेक ल्हाः वायेगु थाय् दनि । झीगु भासय् 'याक-यातहना' (कारक) या थःगुहे पहः दु घयागु क्यनेगु जक थन जिगु कुतः जूगु दु । थ्वयात अझ बांलाक न्वखंकेत जि क्वय् छगू हिलासु धलः बिया बियागु दु । दकलय् लिपा व्वमि भाजु मय्जु-पिनि पाखें द्व'विद्वं'-मगाःमचाः कुलादीत इनाप यासे थ्व च्वसु थनंतुं दिका । सुभाय् ।

याक-यातहना हिलासु धलः

तगि	न्हापांगु हिलासु	याक तँसा (.) तँ	यातहना तँसा	निगूगु हिलासु	याक तँसा (.) स	त (तः)	यातहना तँसा			व्वाय् यासु	
							गु	ह्	के	थाय्	च्वय्
१	जि	जि	-	जि	-	जितः	जिगु	जित्	जिके	जिथाय्	जिथाच्वय्
	छि	छि	-	छि	-	छितः	छिगु	छित्	छिके	छिथाय्	छिथाच्वय्
	थः (व)	थवं	-	थः	-	थतः	थगु	थत्	थके	थथाय्	थथाच्वय्
२	छ	छं	-	छं	-	छत	छगु	छत्	छके	छंथाय्	छंथाच्वय्
३	ध्व	ध्वं	-	ध्वया	-	ध्वयात्	ध्वयागु	ध्वयात्	ध्वयाके	ध्वयाथाय्	ध्वयाच्वय्
	व	वं	-	वया	-	वयात्	वयागु	वयात्	वयाके	वयाथाय्	वयाच्वय्
	आम	आमं	-	आमया	-	आमयात्	आमयागु	आमयात्	आमयाके	आमयाथाय्	आमयाच्वय्

तर्गि	न्यापांगु हिलासु	याक तैसा () न	यातहना तैसा स = य	न्यापांगु हिलासु	याक तैसा () स	यातहना तैसा				ब्वाय् यासु	
						त (तः)	गु	ह्य	के	थाय्	च्चय्
	कतः (क)	कतकं	-	कतः या	-	कतः यात	कतः यागु	कतः याह्य	कतः याके	कतः याथाय्	कतः याच्चय्
	मां (म)	मांसं	-	मां या	-	मां यात	मां यागु	मां याह्य	मां याके	मां याथाय्	मां याच्चय्
	महाय् (च)	महाचं	-	महाय् या	-	महाय् यात	महाय् यागु	महाय् याह्य	महाय् याके	महाय् याथाय्	महाय् याच्चय्
	खिचा	खिचां	-	खिचा या	-	खिचा यात	खिचा यागु	खिचा याह्य	खिचा याके	खिचा याथाय्	खिचा याच्चय्
	भौ (भति)	भति	-	भौ या	-	भौ यात	भौ यागु	भौ याह्य	भौ याके	भौ याथाय्	भौ याच्चय्
	तिमिना	तिमिनां	-	तिमिना या	-	तिमिना यात	तिमिना यागु	तिमिना याह्य	तिमिना याके	तिमिना याथाय्	तिमिना याच्चय्
	वय्कः (ल)	वय्कलं	-	वय्कः या	-	वय्कः यात	वय्कः यागु	वय्कः याह्य	वय्कः याके	वय्कः याथाय्	वय्कः याच्चय्
	छलप्ल	छलप्लं	-	छलप्ल- लया	-	छलप्ल यात	छलप्ल यागु	छलप्ल याह्य	छलप्ल याके	छलप्ल याथाय्	छलप्ल याच्चय्

वसप्चल	वसप्चलं	वसप्चलया	-	वसप्चलयात	वसप्चलयागु	वसप्चलयाह्	वसप्चलयाके	वसप्चलयाथाय्	वसप्चलयाच्चय्
३.१	सु	सुनां	-	सुयात	सुयागु	सुयाह्	सुयाके	सुयाथाय्	सुयाच्चय्
	हुं	हुनं	-	हुयात	हुयागु	हुयाह्	हुयाके	हुयाथाय्	हुयाच्चय्
	मां	मानं	-	मांयात	मांयागु	मांयाह्	मांयाके	मांयाथाय्	मांयाच्चय्
	बाः	बाःनं	-	बाःयात	बाःयागु	बाःयाह्	बाःयाके	बाःयाथाय्	बाःयाच्चय्
	काय्	कायनं	-	काय्यात	काय्यागु	काय्याह्	काय्याके	काय्याथाय्	काय्याच्चय्
	दाइ	दाइनं	-	दाइयात	दाइयागु	दाइयाह्	दाइयाके	दाइयाथाय्	दाइयाच्चय्
	भौ	भोनं	-	भौयात	भौयागु	भौयाह्	भौयाके	भौयाथाय्	भौयाच्चय्
	तुयु	तुयुनं	-	तुयुयात	तुयुयागु	तुयुयाह्	तुयुयाके	तुयुयाथाय्	तुयुयाच्चय्
४	काय्चा	काय्चां	-	काय्चि	काय्चि-	काय्चि	काय्चि-	काय्चियाथाय्	काय्चियाच्चय्
				(या) त	(या) गु	(या) ह्	(या) के		

तर्गि	रूपांगु हिलासु	याक तैसा (.)नं	यातहना तैसा	निगंगु हिलासु	याक तैसा (.)सं	यातहना तैसा				ब्वाय् यासु	
						त (तः)	गु	ह्य	के	थाय्	चवय्
	भौया	भौबां	-	भौविया	-	भौवि (या)त	भौवियागु	भौवियाह्य	भौवियाके	भौवियाथाय्	भौवियाचवय्
	रामचा	रामबां	-	रामविया	-	रामवि (या)त	रामवि- यागु	रामवि- याह्य	रामवि याके	रामवियाथाय्	रामवियाचवय्
५	छु (कि)	छुकिं	छुकिइ	छुकिया	-	छुकियात	छुकियागु	छुकियाह्य	छुकियाके	छुकियाथाय्	छुकियाचवय्
	ग्व (कि)	ग्वकिं	ग्वकिइ	ग्वकिया	-	ग्वकियात	ग्वकियागु	ग्वकियाह्य	ग्वकियाके	ग्वकियाथाय्	ग्वकियाचवय्
	थ्व (कि)	थ्वकिं	थ्वकिइ	थ्वकिया	-	थ्वकियात	थ्वकियागु	थ्वकियाह्य	थ्वकियाके	थ्वकियाथाय्	थ्वकियाचवय्
	व (कि)	उकिं	उकिइ	उकिया	-	उकियात	उकियागु	उकियाह्य	उकियाके	उकियाथाय्	उकियाचवय्
	ग्राम (कि)	ग्रामकिं	ग्रामकिइ	ग्रामकिया	-	ग्रामकि- यात	ग्रामकि यागु	ग्रामकि- याह्य	ग्रामकि याके	ग्रामकियाथाय्	ग्रामकियाचवय्
	हुं (कि)	हुंकिं	हुंकिइ	हुंकिया	-	हुंकियात	हुंकियागु	हुंकियाह्य	हुंकियाके	हुंकियाथाय्	हुंकियाचवय्

थुगु (ल)	थुगुलिइ	थुगुया	-	थुगुयात	थुगुयागु	थुगुयाह्	थुगुयाकै	थुगुयाथाय्	थुगुयाच्चव्य्
उगु (लि)	उगुलिइ	उगुया	-	उगुयात	उगुयागु	उगुयाह्	उगुयाकै	उगुयाथाय्	उगुयाच्चव्य्
आमगु (लि)	आमगुलिइ	आमगुया	-	आमगुयात	आमगुयागु	आमगुयाह्	आमगुयाकै	आमगुयाथाय्	आमगुयाच्चव्य्
हुंगु (लि)	हुंगुलिइ	हुंगुया	-	हुंगुयात	हुंगुयागु	हुंगुयाह्	हुंगुयाकै	हुंगुयाथाय्	हुंगुयाच्चव्य्
गुगु (लि)	गुगुलिइ	गुगुया	-	गुगुयात	गुगुयागु	गुगुयाह्	गुगुयाकै	गुगुयाथाय्	गुगुयाच्चव्य्
भिगु (लि)	भिगुलिइ	भिगुया	-	भिगुयात	भिगुयागु	भिगुयाह्	भिगुयाकै	भिगुयाथाय्	भिगुयाच्चव्य्
गुलि	गुलिइ	गुलिया	-	गुलियात	गुलियागु	गुलियाह्	गुलियाकै	गुलियाथाय्	गुलियाच्चव्य्
थाय् (थास)	थासय्	थाय्या	-	थाय्यात	थाय्यागु	थाय्याह्	थाय्याकै	थाय्याथाय्	थाय्याच्चव्य्
छै	छैय्	छैया	-	छैयात	छैयागु	छैयाह्	छैयाकै	छैयाथाय्	छैयाच्चव्य्
खँ	खँय्	खँया	-	खँयात	खँयागु	खँयाह्	खँयाकै	खँयाथाय्	खँयाच्चव्य्

तर्गि	न्यायाणां हिलासु	याक तसा () नं	यातहना तसा	निगगु हिलासु	याक तसा () सं	यातहना तसा			व्याय् यासु		
						त (तः)	गु	हा	के	थाय्	चवय्
५-१	गन	गनं	गन	गनया	-	गनयात	गनयागु	गनयाम्ह	गनयाके	गनयाथाय्	गनयाचवय्
	थन	थनं	थन	थनया	-	थनयात	थनयागु	थनयाम्ह	थनयाके	थनयाथाय्	थनयाचवय्
	अन	अनं	अन	अनया	-	अनयात	अनयागु	अनयाम्ह	अनयाके	अनयाथाय्	अनयाचवय्
	आमकन	आमकनं	आमकन	आमकन- नया	-	आमकन यात	आमकन- यागु	आमकन- याम्ह	आमकन- याके	आमकनयाथाय्	आमकनयाचवय्
६	हुंकन	हुंकनं	हुंकन	हुंकनया	-	हुंकनयात	हुंकनयागु	हुंकनयाम्ह	हुंकनयाके	हुंकनयाथाय्	हुंकनयाचवय्
	गुम्ह	-	-	गुम्हसिया	गुम्हसियां	गुम्हसि- यात	गुम्हसि- यागु	गुम्हसि- याम्ह	गुम्हसि- याके	गुम्हसियाथाय्	गुम्हसियाचवय्
	थुम्ह	-	-	थुम्हसिया	थुम्हसियां	थुम्हसि- यात	थुम्हसि- यागु	थुम्हसि- याह्य	थुम्हसि- याके	थुम्हसियाथाय्	थुम्हसियाचवय्
	उम्ह	-	-	उम्हसिया	उम्हसियां	उम्हसि- यात	उम्हसि- यागु	उम्हसि- याम्ह	उम्हसि- याके	उम्हसियाथाय्	उम्हसियाचवय्

छह्वा	-	-	छह्वासिया	छह्वासियां	छह्वासि- यात्	छह्वासि- याद्वा	छह्वासि- याके	छह्वासि- याथाय्	छह्वासियाञ्वय्
भिम्ह	-	-	भिम्ह- सिया	भिम्ह- सियां	भिम्हसि- यात्	भिम्हसि- याद्वा	भिम्हसि- याके	भिम्हसियाथाय्	भिम्हसियाञ्वय्
वयाम्ह	-	-	वयाम्ह- सिया	वयाम्ह- सियां	वयाम्ह- सिबात्	वयाम्हसि- याद्वा	वयाम्हसि- याके	वयाम्हसियाथाय्	वयाम्हसियाञ्वय्
झी	-	-	झी	झीसं	झीत्	झीगु	झीके	झीथाय्	झीञ्वय्
जिपिं	-	-	जिमि	जिमिसं	जिमिन्	जिमिगु	जिमिके	जिमिथाय्	जिमिञ्वय्
छिपिं	-	-	छिमि	छिमिसं	छिमिन्	छिमिगु	छिमिके	छिमिथाय्	छिमिञ्वय्
थपिं	-	-	थमि	थमिसं	थमिन्	थमिगु	थमिके	थमिथाय्	थमिञ्वय्
इपिं	-	-	इमि	इमिसं	इमिन्	इमिगु	इमिके	इमिथाय्	इमिञ्वय्
सुपिं	-	-	सुमि	सुमिसं	सुमिन्	सुमिगु	सुमिके	सुमिथाय्	सुमिञ्वय्
गुपिं	-	-	गुमि	गुमिसं	गुमिन्	गुमिगु	गुमिके	गुमिथाय्	गुमिञ्वय्

तर्ग	न्यापांगु हिलासु	याक तँसा (.) नं	यातहना तँसा	निगुगु हिलासु	याक तँसा (.) स	यातहना तँसा				व्वाय् दासु	
						त (तः)	गु	ह्य	के	थाय्	चव्य
६	छिकपि	-	-	छिकपिनि	छिकपि- निसं	छिकपि- नित	छिकपि- निगु	छिकपि- निम्ह	छिकपि- निके	छिवपिनिथाय्	छिकपिनिचव्य
	वय्कः	-	-	वय्कः पिति	वय्कःपि- निसं	वय्कःपि- नित	वय्कःपि निगु	वय्कःपि- पितिम्ह	वय्कः- पिनिके	वय्कःपिनिथाय्	वय्कःपिनिचव्य
	थःपि	-	-	थःपिति	थःपिनिसं	थःपिनित	थःपिनिगु	थःपिनि- म्ह	थःपिनिके	थःपिनिथाय्	थःपिनिचव्य
	मांपि	-	-	मांपिति	मांपिनिसं	मांपिनित	मांपिनिगु	मांपिनिम्ह	मांपिनिके	मांपिनिथाय्	मांपिनिचव्य
	भिपि	-	-	भिपिति	भिपिनिसं	भिपिनित	भिपिनिगु	भिपिनिम्ह	भिपिनिके	भिपिनिथाय्	भिपिनिचव्य
१०	मनूत	-	-	मनूतय्	मनूतय्सं	मनूतयत्	मनूतय्गु	मनूतय्म्ह	मनूतय्के	मनूतय्थाय्	मनूतय्चव्य
	खिचात	-	-	खिचातय्	खिचात- य्सं	खिचात- यत्	खिचात- य्गु	खिचातय्- म्ह	खिचात- य्के	खिचातय्थाय्	खिचातय्चव्य

घलः**पौ**

क. न्ह्यथना	फनिन्द्ररत्न वज्राचार्य	ग
ख. दुम्यःगु कुतः	पद्मरत्न तुलाधर	च
ग. जिगु थःगु खँ		छ
१. न्ह्यखँ		१
२. न्वसुया खँ (उच्चारण)		३
३. यासु (क्रिया)		१४
४. याक-यातहना (कारक)		२५
५. याक-यातहना हिलासु घलः (कारक रूपावली सूची)		३१

चत्रमिया मेगु सफू

थःगु भाय् ल्वःमंकाच्चं पि नेवाःतय्त
व नेपाल भाषा सयेके मंदुपि मेपित

देछा

नेपाल भाषा सयेका दिसँ !

(नेपाल भाषा सिदनुस !)

पहिलो भाग

याकनहे पिदने त्यंगु दु ।

नेपाल भाषा ब्वने मसः
नेपाल भाषा ब्वने थाकु
धाइपित लिधवासा विइत
चत्रमिया मेगु छपु च्वसु

नेपाल भाषा गथे ब्वनेगु ?

(नेपाल भाषा कसरी पढने ?)

पिदन ।